維摩結所說經

鳩摩羅什大師 譯





勝妙功徳大利□■



維摩詰所說經【目次】

弟子品第三……………………………………一七 方便品第二………………………………十二 佛國品第一

卷上

卷中 菩薩品第四……………………………………………………………三一

文殊師利問疾品第五……………………………四二

不思議品第六 …………………………………五三

维摩经年子品回三世 維摩经年子品回三世 維摩经年子品回三世



维 摩 詰 所 說經



維摩詰所説經 卷上

姚秦三藏法師鳩摩羅什 譯

【佛國品第一】

眾 輪 便 總 外 威 人 河神之 道 力 持 人不請 俱 ; 善 , 如 辯 菩薩三萬二千,眾所知識 悉已清 所 是 解法相 無 才不斷 我 不具足;逮 建立,為護法 ,友而安之;紹隆三 聞:一時 淨 , 知 ; ,永離 眾生根;蓋諸大眾,得 布施、持戒、忍辱、精 無所得,不起法忍;已能隨 佛在毘耶離菴羅 蓋 城,受持正法 纏 ;心常安住 寶 , 能 ,大智本行 ; 能 使不絕 樹 粛 1無所 進、 無礙 師子吼 , , 皆 ;降伏魔 與大比丘眾八千 禪定、 畏 解 ; 悉 , 名 脱 順 成 功 智慧 徳智 念 怨 聞 就 轉 + , 不退 及方 諸 慧 定 制 方 諸 佛

薩 餘 眾 嚴 德 淨 共 往 於 遠 以 習 眾 菩 來 過 修 病 , , 薩 定 皆 其 其 言 關 所 量 踰 ; , 音 自 應 趣 演 悉 見 閉 於 心 ; 聞 集 大 在 具 病 及 法 須 ; , 眾 微 嚴 者 心 相 足 與 切 無 Ŧ. 彌 菩 菩 藥 諸 所 畏 妙 好 法 0 ; , 第 薩 嚴 無 深 薩 其 惡 行 寶 , , 令 名 不 趣 猶 信 身 ; , 蒙 得 寶 法 門 近 師 堅 H 如 ; , 積 服 海 自 益 無 深 : 子 固 色 , 菩 等 等 導 像 在 入 行 吼 ; 而 , 薩 觀 諸 猶 第 王 生 等 師 緣 ; ; 菩 菩 有 無 佛 其 起 若 Ŧ. ; 辯 了 薩 所 自 所 薩 量 道 金 , , 積 講 斷 達 捨 作 功 以 在 剛 ` ` 菩 德 慧 諸 説 諸 諸 法 不 現 ; 薩 等 亦 皆 其 法 法 相 邪 世 , , 菩 觀 成 深 見 寶 間 乃 不 身 十 寶 薩 菩 唐 就 力 妙 普 如 所 ; , 之 手 為 薩 捐 雷 有 照 有 , ` ` · 菩 義 震 無二 光 無 大 無 飾 ; ` , 薩 等 量 醫 畏 相 如 ; 好 ; 而 菩 是 佛 善 邊 王 不 無 雨 ; ` 寶 等 土 + 有 薩 知 甘 名 , , 無 皆 善 眾 露 觀 切 稱 印 量 復 光 功 嚴 療 生 高

薩 菩 薩 薩 薩 天 ` ` 王 帝 常 辯 菩 舉 網 音 **芸菩薩** 薩 菩 手 菩薩、常 薩 ` ` 壞 ` 魔 明 虚 菩 網菩薩 空藏菩 下手 薩 ` ·菩薩 電 薩 ` 無緣 德菩薩 ` 、常 執 寶 觀菩薩 炬 慘菩薩 ` 自 菩 在 薩 ` 慧積菩 王 ` ` 菩薩 寶 喜 根 勇 7菩薩 芸薩 薩 ` 功 ` 寶 德 ` ` 勝 相 寶 喜 菩 嚴 見 王

嚴 觀 香 土菩薩 薩 世音 象 菩 如是等三萬二千人。 菩 薩 薩 、 金 、常精 ` 一髻菩 得 大 進菩薩、不 勢菩 薩 ` 珠 薩 髻 ` 菩 梵 休息菩薩 薩 網菩薩 ` 彌勒菩薩 ` ` 妙 寶 (杖菩 生菩薩 ` 文 薩 殊 ` ` 師 華 無勝菩 -嚴菩 利 法 . 薩 王 薩 子

菩薩

`

師

子

吼菩薩

、雷

音音

I 菩

薩

、 山

相

擊

音

1菩薩

`

香

象

· 菩薩

、 白

諸 法 天 復 復 龍 有 有萬二千天帝,亦從餘四天下,來 神 萬梵天王尸棄等 夜 叉 乾 闥 婆 , ` 從 뎨 餘 修羅 四天 ` 下,來 迦 在會 樓 羅 詣 ·坐 ; ` 佛 緊 并 所 那 , 羅 餘 大 而 威 為 摩 睺 力 聽

彌 會 羅 坐 Ш 伽 等 王 0 , 顯 彼 , 時 悉 于大 佛 來 與 會 海,安處眾寶師子之座,蔽 無量百 坐 ; 諸 千之 比 丘 眾 ` 比 , 恭 丘 敬 尼 韋 ` 繞 優 婆 , 於一 而 塞 為説 ` 切諸來大眾 優 婆 法 ; 夷 譬 俱 如 須 來

陀 之 中 尊 大 威 俱 神 Щ 相 持 顏 鐵 神 宮 爾 韋 七 ` 爾 , , 目 摩 令 寶 時 悉 山 時 , 不 悉 諸 蓋 訶 於 , , , ·暫捨 寶蓋 現 大 毘 中 目 , 來詣 真 耶 於 海 現 切 合 離 大 寶 鄰 。長者子寶積 江 ; 眾 蓋 成 城 陀 又 佛 河 此 所 中 Щ , , , 三千 蓋 有 覩 |||` , 佛 又 香 頭 長 流 , 大 神 + 泉 者子,名日 Щ 遍 面 , 即 方 千 禮 源 ` 覆 力 諸 寶 \equiv 足 世 , , 於佛前 界諸 歎 千 及 山 佛 , 未 ` 各 大 日 , · 曾 諸 月 金 千 以 寶 須 ,以偈頌曰: 其蓋 有 佛 星 彌 世 積 山 説 辰 界 , ` ; 山 一共供 與五 合 黑 法 , ` , 掌 天 山 雪 , 而 禮 宮 養 此 百長者子 亦 ` 山 佛 現 龍 鐵 佛 世 ` 於 宮 目 界 韋 0 膽 寶 真 廣 佛 山 蓋 仰 鄰 長 之

孰

聞

人

寶

不

敬

承

!

今

奉

-世尊

此

微

蓋

,

於

中

現

我

三千

界

毁 常 其 天 而 始 以 已 目 譽 悉 因 於 中 眾 受 人 在 以 淨 摧 諸 緣 諸 法 不 不 得 佛 以 修 故諸 伏諸 動 財 佛 寂 退 道 樹 法 廣 常 得 演 施 故 如 此 力 如 自 青 為 外 降 法 説 稽 須 寂 證 道 首 彌 然 生 在 蓮 魔 切 法 , , , 0 , , , 0 度老 心 無我 於 三 得 能 於 三 是故稽首 既 甘露 善 轉 寶 善 是 見 淨 病 法 大 不 於 無造無受者 已度諸禪 分 切 善 輪 聖 死 是 滅 別 覺道 諸 大 於 此 悉 以 等以慈 現 醫 法 大 法 見 神 世 千 成 王 聞 變 定 間 相 王 , , 0 0 0 , 心 當 善 説 普 久 其 딘 法 以 於 惡之業 無心 行 輪 積 禮 斯 法 第 王 現 平 本 法 淨 法 妙 不 十 等 來 意 力 方 業 法 有 義 海 常 無受 亦 超 如 亦 無 德 濟 而 稱 無量 群 清 不 虚 無 不 不 群 量 空 亡 行 無 邊 生 動 生 淨 土 0 0

諸 天 龍 神 所 居 宮 乾 闥 婆等 及夜 叉 悉 見 世 間 諸 所 有

力 哀 現 是 化 變 ; , 眾 覩 希 有 皆 歎 佛 , 今 我 稽 首 界 尊 0

眾 皆 斯 大 生 謂 則 聖 法 各 世 神 各 尊 力 王 眾 隨 同 不 其 共 所 所 語 法 解 歸 0 , , 普 佛 淨 斯 得 則 以 心 受行 神 觀 音 力 佛 獲 不 演 靡 説 其 共 不 法 利 欣 法 0 , , 眾 佛 各 斯 以 生 見 則 隨 世 神 音 尊 類 力 各 在 不 演 説 共 得 其 法 法 解 前 0

佛 以 音 演 説 法 , 或 有 恐 畏 或 歡 喜 或 生 厭 離 或 斷 疑

住 神 於 力 不 不 共 共 法 法 , 0 稽首 稽首 十 力 切 大 大 導 精 師 進 0 , 稽 稽 首 首 能 已 得 斷 眾 無 結 所 縛 畏

到 於 彼 岸 , 稽首 能 度 諸 世 間 , 稽 首 永 離 生 死 道 0

稽

首

已

稽

首

斯

則

常 悉 善 知 眾 入於、 生 空 來 寂 去 行 相 達諸 善 於 諸 法 相 法 得 無 罣 解 礙 脱 稽 不 首 著 如 世 空 間 無 如 所 蓮 依 華 0

,

,

寶

積

當

知

,

直心是菩薩淨

土

,

菩

薩

成

佛

詩

, 不 諂

眾

生

來

菩 願 薩 世 子 尊 , 皆 爾 説 時 問 諸菩薩 已 於 , 發 長 如 者 阿 來 耨 子 淨土之行 淨土之行 多羅三藐 寶 積説 此 。」佛言 0 三菩提心 偈已,白 諦 聽 , 1:「善: 諦 一佛言 , 聽 願 ! 善 哉 聞 : — , 得 思念之 寶 世 佛 . 尊 ! 積 國 ! 土 ! 是五 乃 清 當 能 淨 為 為 百 汝 唯

説

0

於是寶積及五百長者子,受教而聽

0

是 於 所 國 所 以 入 化 空 眾 者 佛 地 佛 成 智 生 言 何 , 慧 就眾生故 造立宮室 而 ? :「寶積!眾生之類是菩薩佛土。 ·菩薩 而 取 取 佛 佛 土 取 ,願 於 土 • , 隨 淨 隨 , 取佛國 隨諸 意 所 國 調 無 , 伏眾 礙 眾 皆 ; 為 生 ; 願 若 應 生 饒 取佛國者 於 益 以 而 虚空 諸 何 取 眾 或 佛 起 生 土 , ,非於空也 終) 菩薩 所 故 , 以 不能 隨 0 者 譬 根 諸 眾 成。菩 如 而 何?菩 生 有 取 人 佛 應 薩 薩 以 土 欲 隨 如 何 0

八

菩 菩 品 土 淨 土 淨 施 或 生 薩 薩 薩 薩 是 其 是菩薩 土 土 ; , , 菩 菩 菩 菩 淨 淨 淨 淨 國 , 薩 薩 菩 菩 薩 土 土 土 土 提 ; 淨 深 成 成 淨 心 薩 薩 , , , , 土, 佛時 菩 菩薩 菩薩 是菩 佛 菩 土 成 心 成 是菩 時 薩 薩 , 佛 佛 菩 菩 薩 成 成 成 成 時 時 成 薩 薩 於 佛 薩 佛 佛 佛 淨 , , 就慈悲喜捨眾生來生 時 時 成 成 時 時 土 淨 正 解 佛 佛 切 土 , , , , , 脱 定眾生來生其 菩 時 法 攝 勤 行 時 \equiv , 所 十 二 菩 方 心 修 + 薩 , ,念處正 攝眾 不 善 薩 便 成 相 切能 無礙眾 道 成 切 佛 生 莊 滿 佛 功 時 來 捨眾 勤 生 德 嚴 時 願 , 生 或 神 眾 眾 大 來 眾 生 , 其 工其國 0 足 來 生 生 生 生 生 乘 具 國 四 眾 根 生 其 來 來 來 來 足 無 ; 力 生 生 生 功 其 ; 國 生 生 方 量 覺道 徳眾 四 其 其 其 其 或 來 ; 便 心 智 攝 或 或 生 或 或 眾 是 法是 是菩薩 \equiv 慧 其 生 ; 菩 生 十 是 襌 精 持 來 忍 或 來生 薩 菩 戒 菩 辱 生 + 進 定 薩 薩 是 其 是 道 淨 淨 是 是 布

其 或 0 迴 向 小 ... 是菩薩 淨 土 , 菩 薩 成 佛 時 得 切 具 足 功 德 國

自守 戒 説 行 除 不 八 譏 難 是菩薩淨 彼闕是菩薩淨 土 , 菩 土 薩 , 菩薩 成 佛 成 時 佛 , 嵵 或 土 , 無有 或 土 \equiv 無 有 惡 犯 八 禁 難 之

不 所 名 恚 言 誠 十 諦 正 善 見眾 、 常 菩 生 以 薩 來 軟 淨 生 語 其 ` 眷 或 菩薩 屬 如 不 成 是寶 離 佛 ··、善善 時 積 , 命 和諍 菩 不 . 薩 訟 中 隨 ` 夭 言 其 直 必 大 心 饒 富 益 梵 則 、 不 能 行 發 嫉

0

是

土

,

`

0

,

,

則 行 如 ; 説 隨 行 其 發 行 , 則 得 深 心 • 隨 其 深 小 , 則 意 調 伏 • 隨 意 調 伏 ,

• 隨 如 説 行 , 則 能 迴 向 隨 其 迴 向 , 則 有 方 便 隨 其

生 ; 隨 成 就 眾 生 , 則 佛 土 淨 隨 佛 + 淨 , 則

説

功 法 德 淨 淨 則 是故寶積 智 慧 淨;隨 ,若菩薩欲 智 l 慧 淨 為得淨 則 其 土 心 , 當 淨 淨 ; :其心 隨 其 心

其心 淨 , 則 佛 土 淨 0

隨

淨

則

切

法

淨

;

隨

説

方

便

,

則

成

就

眾

佛 弗 見 淨 ! ? 知 , 而 眾 其 我 爾 汝 生 對 念 世 時 不 罪 , 日:「不 尊 ,即告之言:「於意云何,日月豈不淨耶, 見 故 舍 本 -為菩 0 , 利 不 弗 ·見如 也,世 承 薩 佛威神作是念:「若菩薩 時 來 ,意豈不淨, 佛土嚴 尊!是盲者過, 淨 , 非 而 如 是佛 來咎 非 日 土不淨 心 。舍利 月咎。」 淨 , 若 弗 而盲者不 則 一「舍利 此 佛 ! ? 我 土 此

滿 佛 不 利 淨 智慧 淨 弗 0 0 耳 言 所 爾 :「我 螺 以者何?我見釋迦牟尼佛土清 , 時 0 則能見此佛土清淨 舍 髻梵王言 , 螺髻 利 見此· 弗 ! 菩薩 梵 土丘陵坑 二二仁 王 語 於 舍 者 利 心有高 坎 . 神:「. 切 眾 , 荊 生 下 棘 勿 , 沙礫 , 作 悉皆平等 淨,譬如 不 是 依 , 念 佛 土 慧 石 自在 謂 ,深心清淨 諸 此 , 故 Щ 天宮。」舍 佛 見 , 土 穢 以 此 為 惡 土 依 充

色有 故 皆 現 弗 飾 自 言 , 0 , 示 異 譬 見 於 坐寶 ;如是舍利弗 是眾惡不淨土耳。 佛語舍利弗:「我 如 唯 寶 佛 然 蓮 莊 以足指按 , 世 華 嚴 佛 0 尊 佛 無量 ,若人心淨 ! 地 告舍利 本 , 即 功 譬 佛國 所 德 1如諸 不 寶 弗 時三千大 土 見 ::「汝 莊 ,便見此土功德莊嚴 , 常 嚴 天,共寶器食 , 本 土 淨若 且 所 • 千 觀 不 __ 世 此 聞 是 界 切 , 佛 大眾 , , 為 土 若 , 隨 今 欲度 佛 嚴 歎 干百千珍 其福 或 淨 未 斯 土 ? 曾 嚴 德 下 有 劣 舍 寶 淨 飯 嚴 利 人 悉 而

漏 法 於 生 盡 是 法 意 皆 當 世 忍 解 悉 界 佛 ; 無常 八 , 還 現 萬 此 復 四 國 ,遠塵離 千人 如 土 故 嚴 皆 。 求 淨之時 垢 發 ,得法眼淨;八千比丘 聲 阿 聞 耨 , 寶 多羅 乘,三萬二千諸 積 三藐三菩提 所將 五 百 長 天 ۱ŗ, 者子 及人 ,不受諸法 0 佛 , , 攝 皆 知 神 得 有 足 為 無 ,

方 便品第二】

雖 亂 以 便 海 成 獲 佛 處 無 意 忍 純 就 , 居 諸 調 居 淑 所 深 ; 爾 , 家 以 畏 佛 行 毘 明 植 時 ; 決 耶 咨 決 了 善 , 不 , , , 定 定 眾 攝 嗟 降 毘 離 本 諸 著三界 魔 慧 大 生 耶 ; 0 • 弟 離大 心 勞 恚 資 乘 得 , 之所 攝 怨 怒 財 子 無 , 城中 ; 示 諸 無 諸 生 ` ; ; 以 量 釋 入 忍 無 趣 有 有妻子 智 大 深 所 ` , , , 精 攝 梵 作 又 法 辯 有 0 諸 能 門 雖 才 長 進 ` , , 無礙 , 者名維 為 貧 世 能 分 , 常 民 主 善 白 攝 善 別 修 諸 所 諸 於 思 衣 ; ; 梵 奉 遊 懈 敬 量 根 智 摩 , 行 詰 奉 怠 戒 利 度 戲 0 ; 持 清 欲 住 鈍 神 0 ; ; , 現 ___ 度 通 淨 已 沙 佛 ; 通 門 心 人 久 曾 有 達 威 , , 攝諸 眷 清 襌 故 於 方 逮 供 儀 諸 養 屬 寂 佛 便 淨 , , 道 無量 律 毀 以 心 總 常 善 禁 攝 大 持 行 大 , 心 樂 方 如 諸 願

帝

釋

,

帝

釋

中

尊

,

示

現

庶

民

中

尊

, 令

興

福

尊

, 示

以

忠

孝

;

若

其

刹

長

切

治

生

諧

偶

,

雖

獲

俗

利

,

不

以

喜

悦

;

遊

諸

四

衢

,

饒

益

眾

生

;

入

離 雖 服 寶 飾 , 而 以 相 好 嚴 身 ; 雖 復 飲 食 , 而 以 襌 悦 為 味 0

遠

常 樂 至 佛 博 法 弈 戲 ; 處 切 , 見 輒 敬 以 度 , 為 人 供 ; 養 受 諸 中 最 異 道 ; 執 , 持 不 毁 正 法 正 信 , 攝 • 諸 雖 長 明 幼 世 典 ;

蒙 治 政 ; 入 法 諸 , 救 淫 護 舍 , 示 切 欲之過 ; 入 講 ; 入 論 處 諸 , 導 酒 肆 以 , 能 大 乘 立 ; 入 其 志 諸 學 0 若 堂 在 , 長 誘 者 開 童 ,

者 我 利 慢 中 , 尊 ; 刹 若 利 • 為 在 中 大臣 説 尊 勝 , 大 法 教 ; 若 以 臣 忍辱;若 中 在 尊 居 士 , 教 , 在婆羅 以正 居 士 中 法 門 ·尊 ; 若 , , 婆 斷 在 羅 其 王 門 貪 子 中 著 , 尊 王 ; 若 子 除 中 在

在 力 ; 內 若 官 在 , 內 梵 官 天 , 中 梵 尊 天 , 中 化 · 尊 正 宮 , 誨 女 ; 以 若 勝 慧 在 庶 若 民 在 ,

?無常;若在護世,護世中尊,護諸眾

生 0 長 者維 摩詰 , 以 如是等 無量方便饒益眾 生

芭 婆 身 身 見 撮 所 強 往 蕉 摩 集 者 無 羅 , 實 須 我 是 無 門 其 ; ; , , 臾變 以方 維 中 諸 等 是 力 , 身 四 為 摩 無 身 仁 , 如 ` 及諸 如 大為家 滅 詰 便 有 如 者 無 影 火 ; 大 , 堅 堅 泡 , , 是身 以身、 現身有 ; 從 ; 如 王子,并餘官屬 , , 是 ;是身為空 是 業 速 不 此 如 身 疾 緣 身 得 身 朽 無 電 疾 之法 現 ,廣為説法:「 如 久 , 0 壽 ,念念不住 ; 是 幻 立 明 , 以其疾 智 ; , , 為 從 不 身 是 者 離 如 所 如 顛 身 可 ,無數千人,皆 (故,國王大 我 風 響 信 倒 如 不 我 ; 0 起 燄 怙 也 諸仁者! , 所 是身 是 屬 ! ; , 0 身 ; 是 為苦 諸 從 是 是 無 無 身 渴 身 因 身 臣 主 人 如 緣 如 愛 是 無 ` , , , 為 往 夢 生 聚 為 長 身 知 為 是 沫 無常 ; 惱 問 者 如 如 , , 為 身 是 疾 居 如 水 地 , 虚 眾 身 草 士 如 不 0 浮 妄 無 其 是 如 病 可

如 偽 瓦 丘 礫 , 井 雖 ; 是 假 , 為 身 以 老 澡 無 所 浴 作 逼 衣 , ; 食 風 是身 力 , 必 所 無 歸 轉 定 磨 ; 是 滅 , 為 身 ; 要當 不 是 身 淨 為 死 , 災 穢 ; 是 惡 , 身 百 充 滿 如 __ 毒 病 ; 蛇 惱 是 身 ` 是 為 如 怨 身 虚

賊 如 空 聚 , 陰 界諸 入所 共合成 0

襌 生 畏 生 從 也 佛 定 慈 , ` , , + 從 身 從 從 諸 解 ` 悲 仁 不 八 脱 , 無 斷 . 者 放 量 不 明 \equiv ` 共法 逸 喜 生 功 ! 昧 切 生 德 此 , ` 眾 從 生 智 捨 ; 可 多 生病 三十 從 生 慧 , 患 聞 從 如 生 厭 , 智 者 是 七道 從 斷 0 , 慧 當 無量 從 , _ 布 當 , |樂佛 切 묘 施 戒 諸 發阿耨多羅三藐三菩提心 清 不 生 ` ` 波羅蜜 · 善 持 定 身 淨 , 法 從 戒 法 ` 0 慧 止 ` 所 , , 生 生 忍 集 觀 以 ` , 從 辱柔 如 解 生 者 來 切 脱 , 何 方 從 善 和 身 ` ? 便 佛 法 十 解 ` 生 諸 生 勤 脱 身 力 仁 行 者 知 , , ` 從 者 從 精 即 見 四 六 ! 法 真 進 生 無 實 欲 通 身 所 ,

如是長者維摩詰 ,為諸問疾者,如應説法,令無數千人皆

發阿耨多羅三藐三菩提心。

一六

弟子品第三】

起滅 宴 是 能 是坐者 白 三十七品 加 坐 坐 於林中宴坐樹下。時維摩詰來謂我言:『唯 佛 報 定 言:「世尊!我不堪任詣彼問疾。所以者何?憶念我昔 ;心不住 ,為宴坐也。夫宴坐者,不於三界現身意 佛 爾 時 知 ,佛所印可。』 而 八 其 意 故我不任詣彼問疾 ,是為宴坐;不斷煩惱而入涅槃,是為宴坐。 現諸 ,長者維摩詰自念寢疾于床,世尊大慈,寧不垂愍? ||威儀 ,即告舍利弗:「汝行詣維 內亦不 ,是為宴 在外,是為宴坐;於諸見不 時我,世尊!聞説是語,默然而止,不 0 坐。不捨道法而現凡夫 摩詰問 ,舍利弗!不必 ,是為宴坐;不 疾。」舍利弗 動 事 , 若能如 , 是 而 修 為 ,

常 為 尊 法 大 所 法 相 死 無 於 故 眾 故 無 白 里巷 不 住 ! , , 實 衣 我 無 住 不 形 生 佛 故 際 法 中 告 相 居 在 所 不 法 , 緣 士 為 緣 無 離 堪 大 ; 無 , , 眾 説 諸 目 法 諸 故 故 任 有 如 分 犍 生 詣 順 邊 虚 法 居 人 ; 0 別 垢 連 空 不 法 空 法 士 彼 , , 動 故 前 : 同 無 故 不 説 問 離 隨 故 法 名 後 當 ; 法 法 疾 ; 諸 汝行詣維摩詰問 性 字 際 法 無 如 0 0 ::[0 相 法 無 斷 無 仁 所 時 , , 故 入 戲 言 者 有 無 故 維 以 ; 法 諸 語 摩詰 應 論 我 所 者 動 0 法 説 無作 搖 法 斷 何 , , 無有 故 常 畢竟空 故 離 來謂 ?憶 ; , 夫説 我 寂 不 ; ; 疾 比 法 法 法 依 然 垢 我言 念我昔 0 隨 故 故 離 六 無 法 , 無 好 塵 於 ; 滅 者 有 ; : 目連白佛 相 法 諸 故 法 醜 入 如 説 , 9 待 無壽 無 相 當 帷 毘 , ; , , 故 我 法 離 故 法 無 如 耶 , 無增 無 所 ; 覺 命 法 大 所 離 言 法 説 去 目 隨 法 大 觀 , 不 離 損 離 離 來 故 連 故 城 生 法 世 我 屬 於 ! ; ,

説 説 法 無 不 法 法 動 所 法 無 0 者 罣 生 , ㅂ 當 法 滅 維 礙 無 離 摩 , , 建 辯 説 法 __ 詰 以 是 無示 切 無 説 大 意 觀 所 是法 悲 , 行 歸 ; 心 而 不任詣彼問 其 0 時 讚 為 聽 唯 法 于 説 , 八 法 過 , 大 法 者 大 眼 百 乘 0 耳 目 , 居 , 念 當 疾 -鼻舌 無 連 了 士 聞 ! , 報 眾 無得 身心 法 發 佛 生 相 阿 恩 根 如 0 , 耨 不 有 譬 是 法 多羅三藐 斷 利 如 無 , \equiv 鈍 豈 高 幻 寶 士 , 可 下 善 , 説 , , \equiv 然 為 於 乎 法 一菩提 後 幻 常 知 ! 説 見 夫 住 人

乞 應 捨 尊 行 豪 0 ! 乞 富 時 佛 我 食 告 維 不 從 大 ; 摩 堪 為 貧 詰 迦 任 壞 乞 來 葉 詣 和 謂 0 :「汝行 彼 迦 合 我 問 相 葉 言 疾 故 ! : 0 詣 住 , \neg 所 唯 維 應 平 以 · 等 , 大 摩 取 者 法 詰 摶 何?憶 , 迦 食 問 葉! 應 疾 ; · 為 不 次 0 念 有 行 我 慈 受 乞 迦 昔 悲心 故 食 葉 , 0 白 , 於 為 而 應 佛 受 貧 不 不 言 彼 能 食 里 故 普 食 而 行 世

心

0

我

無此

,是故

於 為 為 定 然 如 解 性 風 以 是 意 後 以聲 不 等 空 益 脱 空 聚 切 無 可 ; ` , , , 聞 其 菩 食 不 非 想 他 食 以 所 辟 誰 薩 為 邪 性 人之施 住 入於聚落 0 食 支 深 不 世 損 相入正 如 ,本自不 味 佛行 是食 起敬 發 間 , 不 是為 阿 也 ` 分 耨多 非 者 法 心 0 0 別 是故 然 住 所 0 正 ; , , 受 諸 羅 入佛 以 見色與盲等 時 非 復 涅 , 今 則 不任詣 三藐 我 槃 有 一食 作是念: , 世 道 煩 ; 觸 施一 其 無滅 三菩提心 惱 , 不 如智 彼 尊 有 ` 問 斯 逾 依 非 施 切 !聞説 , 疾 證 所 者 離 聲 , 有 供 , 聞 聞 煩 葉 ! , 知 1. 若: 家 是 惱 養 聲 無 ᆷ 0 諸 與響 名 諸 我 語 迦 大 , 法 從 非 能 葉 佛 , , 福 如 辯 是 得 入 不 等 ! , ` 幻 及眾 才 未 若 定 來 捨八邪 無 , 曾有 智 意 相 如 小 所 , 慧 賢 不 是 福 ; 嗅 ` 乃 非 香 復 聖 入 無 食 勸 能 即 自 起 與 不

佛

告

須菩提:「汝行詣維摩詰問

疾

°

須菩提白佛言:「

世

聖 諦 若 不 隨 延 賒 須 癡 於 食 菩 得 梨 須 食 墮 人 愛 ! , 0 菩 等 無 尼 子 提 非 肼 我 , , 非 提 者 乃 犍 不 難 不 維 不 ` 起 見 諸 陀 刪 不 見 不 堪 可 於 壓 ; 諦 取 若 闍 佛 聖 斷 法 任 詰 同 解 詣 , 於 食 提 人 淫 亦 夜 ; 取 脱 非 煩 等 子 毘 怒 彼 不 ; 我 0 ; 以 若 雖 等 得 癡 惱 羅 聞 問 鉢 , 諸 法 成 果 須 胝 疾 , , 五 菩 是 離 就 亦 , 非 法 子 盛 ; 一逆相 清 提 彼 不 等 所 汝 __ 滿 ` 者 外 切 不 與 以 淨 入 之 阿 飯 而 諸 得 法 師 耆 道 法 俱 於 者 , 得 果; 六 邪 食 謂 何 多 , ; , • 解 師 不 亦 ? 憶 汝 見 大 翅 而 我 脱 非 得 舍 壞 等 其 言 離 : , , 亦 無諍 富 不 出 欽 諸 凡 於 念 , : 身 到 家 蘭 法 夫, 如 我 婆 \neg 不 昔 彼 羅 那 相 是 唯 , , 解 非 眛 而 岸 彼 迦 行 ` , , , 不 葉 乃 隨 乞 入 離 須 ; 迦 師 , 縳 菩 乃 住 其 所 羅 可 凡 __ ` 於 末 夫 切 ; 提 墮 鳩 取 相 可 舍 眾 不 馱 伽 法 八 食 取 ! , 生 汝 梨 從 見 食 若 難 迦 不 0 若 非 能 亦 拘 亦 旃 四 滅 乞 0

字 言 懼 故 脱 所 以 是 而 魔 得 共一 我 相 懼 何 有 是 , 於意 不 答 也。 怨 定 **『不也。』** 乃 者 故 ·任詣 心 手 無 可 , , 所以者何?一切言 , 謗 則 所 云 便 取 作 其 彼 諸 置 諸 懼 何 食 施 問 。 **_** 諸 鉢 勞 汝 法 0 維摩詰言:『一 疾 佛、 何 欲 侶 者 如 也 來 以 出 時 0 , 毀 故 所 其 汝 我 不 ㅁ ? 文 作 與眾 維 於 舍 名 , 摩 世 法 福 化 0 詰 字 説 維 尊 人 、不入眾數 魔 田 性 説是法 摩詰、 ! 及 , 不 ; 切諸 , 若 聞 諸 離 供 此茫 ,無有 離 養 塵 以是事詰 言 法 是 時 勞 汝 • , 相 然 ,終 等 者 -如 , 二 百 文字 ; 至 唯 無 幻 , , 不 不 有 墮 化 , , 於智 寧有 天 須 識 得 \equiv 異 , 相 子 菩 是 滅 惡 是何言 ; , 得 則 者 懼 提 度 於 道 汝 解 法 , 不 ! 今 ; 不 汝 眼 脱 不 取 切 為 ? 著 若 眾 應 鉢 不 與 淨 解 如 眾 文 我 勿 知 生

佛

告富

|樓那

彌

多羅尼子:「汝行詣維摩

詰

問問

疾。

富

那

之 眾 心 所 鈍 樓 大 於 白 大 羅 ! 唯 林 植 道 生 寶 那 佛 0 於 我 眾 器 言 莫 中 ! 根 , 藐 是 富 示 觀 : 德 時 此 源 ; , 當 諸 小 樓 在 本 比 小 , , 世 菩 比丘稽首 維 乘 那 __ 知 丘 無 徑 尊 樹 提 摩 智 是 ! 迴 久 得 , ! 詰 慧 先 下 比丘心之所 向 發 無 發 我 微 當 不 , 即入三 阿 起 大 以 為 不 復 禮 淺 入 乘 大 以 耨多羅 堪 定 退 維 諸 , 心 小 海 任 摩詰 猶 轉 眛 新 , 內 乘 , 詣 念 觀 ,令此 如盲人 學 0 中 三藐三菩提 於 法 彼 我 足 比 此 , 牛 忘 0 念聲 , 時 人心 丘 問 無 此 跡 彼 , 不 比 以 説 疾 意 自 , 0 聞 維 琉 丘 法 , 無 無 , 摩 自 然 不 能 璃 所 0 如 以 瘡 , 觀 詰 . 識 分 後 以 同 時 日 即 何 , 勿 彼 者 人 宿 別 説 維 大 光 時 以 根 何 為 命 __ 水 法 摩 等 傷 小 豁 説 切 精 詰 ? , , , 彼 之 然 乘 眾 憶 不 法 曾 無 來 螢 法 也 謂 應 生 以 念 , 於 汝 , 還 説 火 我 於 五 根 而 ; 穢 我 不 欲 昔 教 间 得 百 之 能 食 法 0 富 行 耨 利 導 於 本 佛 知

是故不任詣彼問疾。」

寂 義 義 以 義 諸 生滅 滅 比 : 「世尊!我不堪任詣彼問疾。所以者何?憶念昔者 ; ` 於 五 義 無 丘略説法要,我 佛 心 我 告 受 我 0 行 義 無我 摩 陰 <u>_</u> , 訶 説 洞 ` 説 寂 迦旃 而不二 是法時 達 滅 實相法 空 義 無 延:「汝 0 , 所 即於後敷演其義 時 0 彼諸比丘心 是 起 迦 維 , 無 旃 摩詰來謂我 我義;法 是苦義 延 詣 ! 諸 維 摩 得 ; 諸 法畢竟不 詰 解 本 , 言 : 問 不 脱 謂 法 究竟 然 疾 0 無常義 -故 , 今 ·生不 唯 我 無 , 不任詣 則 迦 所 滅 迦 ` 苦義 無 有 旃 旃 , 滅 延 , 是 延 , 記彼問 佛 是 白 無 ! 是 空 常 無 空 為 佛

尊 我 佛 告 不堪任詣彼問疾。 间 那 律 :「汝行 詣 所 維 以者何?憶念我昔於一處經行 摩詰問 疾 0 阿 那 律 :白佛 言 時 世

疾

0

禮 見 有 此 問 梵 釋 我 王 迦 言 , 名 牟 : 尼 日 \neg 幾 嚴 佛 土三 何 淨 阿 千 那 與 大 律 萬 千 天 梵 世 眼 俱 界 所 , 見 放 , ? 如 淨 觀 <u></u> 光 掌 明 我 中 即 , 菴 答 來 詣 摩 言 勒 我 : 果 所 \neg 仁 , 0 者 稽 <u></u> 首 時 ! 維 吾

禮 有 耶 見 ? 假 0 使 ᆫ 作 世 尊 相 ! , 我 則 時 與 默 外 然 道 ; 彼 五 通 等 諸梵聞 ; 若 其言 無 作 , 得 相 , 即 未 曾 是 有 無 為 , 即 , 不 為 作 應

摩

詰

來

謂

我

言

:

-

唯

,

阿

那

律

!

天

眼

所

見

,

為

作

相

耶

?

無

作

相

屬 而 , 常 問 五 在 百 日 梵 \equiv : \neg 天 眛 世 , , 孰有真天眼者?』 皆 悉 見諸 發 间 耨 佛 多 國 羅 , 不 三藐三菩提心 以二 維 摩喆言:『 相 0 <u>_</u> 於 , 禮 是 有 嚴 佛 維 摩 淨 世 詰 梵 尊 王 得 足 及 真 其 天

尊 我 佛 告 不 優 堪 波 任 離 詣 :「汝行詣 彼問 疾 0 所 維 摩詰問疾 以 者 何 ? 憶 念昔者 優 波 離 , 白佛言:「 有二比 丘 犯 世 忽

然

不

現

0

故

我

不任詣

彼問

疾

。 _ 眷

眼

言 如 如 淨 唯 然 亦 外 丘 如 律 律 法 電 不 罪 水 : 行 ; , ` , , 不 取 中 在 不 解 誠 , 優 ; , 不 諸 我 出 當 月 波 內 在 説 以 以 也 是 中 為 法 直 為 於 離 ` , 0 0 不 垢 不 間 除 如 時 如 恥 恥 ! <u>_</u> 相 在 維 鏡 滅 妄 , 0 , , 維摩詰言:『 待 不 中 如 外 摩 如 不 不 , 想是垢 像 取 勿 詰 敢 優 佛 ` 敢 我是 乃 所 擾 波 不 來 問 問 以妄 至 其 説 謂 在 離 佛 佛 , 淨 心 中 __ 我 , , , 無妄想是淨 , 想 心 念 言 以 間 願 0 0 來 一切眾 生 優 不 心 垢 所 問 , : 解 故眾 住 0 波 相 以 如 疑 -我 離! 者 其 唯 悔 其 得 言 生 諸 心 生 何 知 解 , , , ; 優 此 法 脱 然 垢 ? 得 心 ¬ 顛 皆 切 彼 波 唯 者 相 時 免 , , 倒 法 心 離 妄 無垢, 罪 罪 斯 , , 是 是 寧 性 ! 優 見 生 垢 淨 咎 垢 名 故 不 無 波 滅 有 亦 ! , 眾 奉 在 重 離 然 如 不 , 亦 垢 <u></u> 無 復如 律 住 生 增 夢 我 ! 內 不 , 此 如 顛 諸 淨 我 即 ? ` 法 是 等 其 倒 不 為 燄 如 <u></u> 比 是 其 幻 我 亦 在 犯 知 , 0

切 比 聞 能 此 眾 及 丘 及 者 菩 生皆得是辯 疑 , 薩 持 悔 是 律之 名 即 , 能 善 除 制 上 解 ° 其 而 發 <u></u> 樂説之 阿 不 故我 .耨 能 於 是二 多 説 不任詣彼問疾。」 羅 辯 0 比 三藐三菩提 , <u></u> 丘言 其 我 智 即答言 慧 : 明 上 達 Ĺ : 智 , \neg , 自 哉 為 作是 若 捨 ! 此 如 是 願 來 優 也 波 ! , 離 未 <u></u> 所 時 有 聲 不

法 應 法 子 長 為 者 者 説 世 子 尊 出 説 捨 佛 家 出家 來詣 告 可 轉 ! 説 功 我 羅 輪 徳之 我 不 有 王 功德之 睺羅:「汝 ·堪任 利 位 所 利 有 , , 詣 功 利 出 稽 所 彼問 德 家 首 0 為 以 作 行詣 時 • 夫 者 禮 疾 道 維 出 何 摩 0 , 0 維摩詰問疾 家 ? 詰 其 所 問 者 無 來 出 我言 以者何? 為 利 謂 家 無為 無功 者 我 : 言 9 , 。 — 唯 德 憶 法 有 : 念昔 何 , , , \neg 羅 羅 唯 是 無 等 睺羅 為 為 睺 時 利 , 羅 法 出 羅 , ? 白 中 睺 家 毘 ! <u></u> 佛言 無 羅 汝 耶 我 0 利 有 佛 離 ! 即 諸 無 為 不 如 之

藐 護 假 眼 即 家 難 處 功 彼意 值 語 名 於 出 菩 得 家 諸 涅 ! 0 提心 五力 出淤 長 羅 槃 維 ; , 隨 是 諸 者 睺 摩詰言:『然 ; 禪定 故 即具 泥 長 子 , 立 五 羅 智 者子言: : ! , 者 我不任詣彼問 7 出 足 無繫著 , 所 汝等 離 根;不惱於彼 家 0 受 眾 <u>_</u> 者 , 於 , 汝 過 ;無我 爾 \neg 聖 , 居 正 無彼 時 ; 所 等 法 士 若 行 . 疾 \equiv 便 ! 中 能 所 無此 處; 0 發 我 如是 十二長 , , , 離 阿 聞 宜 無所 降 佛言 眾雜 共 耨多羅三藐三菩提心 亦 , 伏眾 者 出 是真 受 無中 亨 家 惡;摧諸 , , 魔 父 出 無 0 間 , , 度 皆 所 母 家 擾 「發阿 不 以 亂 離 0 Ŧ. 聽 者 六 ᆷ 外道, 十 二 .耨 , 道 何 於 內 多羅 不 是 懷 ? , 超 淨 見 得 佛 維 喜 是 五 摩 越 出 世

尊 我 佛 告 不堪任詣 阿 難 彼問 汝行 疾 詣 0 維 所 摩 以 者何 詰 問 ? 疾 憶 0 念昔 阿 時 難 白 世 佛 尊身小 言 有 世

者 無 非 可 難 此 會 阿 世 謂 哉 密 尊 我 為 思 廳 ! 難 , , , 當 當 欲 當 轉 言 身 言 ! 速 , , 不 行 身 作 去 輪 ; 有 莫 小 用 : 無令大 是念 墮 矣 聖 有 牛 0 何 作 \neg , 諸 佛 王 唯 乳 勿 , 疾 是 疾 數 為 阿 , 當 使 , , 語 , 世尊 威 當 以 阿 難 我 0 7 人 ! 何 難 少 德 有 如 ! 用 即 聞 如 名 福 諸 何 此之身 , 勿 牛 持 ! 來 0 過 為 使我 何 故 惱 鉢 乳 當知 天 身 於三 師 ! 為 , , , , 者 ? 等 詣 默 尚 及 晨 故 , , , 自 當 一 界 ; 受 得 他 往 朝 大 來 뎨 金 婆羅 有 疾 斯 方 無 阿 至 持 難 剛 佛 不 何 病 淨 難 恥 此 鉢 之 ! 諸 能 疾 身 也 土 , 勿 門 住 , 0 體 救 豈 諸 無 家 ! 此 0 ᆷ 如 時 漏 來菩 謗 門下 外 況 , ? 維 諸 來 而 我 道 如 如 , ᆸ 摩 身 諸 惡 薩 來, 能 語言 立 ` 來 我 , 已 無量 , 梵 世 救 得 漏 0 言 即 斷 莫 諸 志 聞 尊 已 時 : 是 盡 福 斯 使 疾 , 維 ! ` \neg \neg 眾 法 若 實 人 會 語 異 止 居 摩 佛 普 詰 懷 聞 身 人 善 止 士 ? 慚 身 聞 普 此 勝 ! 來 뎨 ! ᆷ

愧 , 得 無近佛 而謬 聴那 ! 即 聞空中 聲 H : 뎨 難 ! 如 居士言

勿慚 但 為 佛 0 出 Ŧ. 世尊!維摩詰智慧辯才,為若此也 濁 惡 世 , 現 行 斯 法 ,度脱眾生 0 行 0 矣 是故不任詣彼問 , 阿 難 ! 取乳

疾 0

皆曰:「不任詣彼問疾 如是五百大弟子,各各向佛説其本緣 , 稱 **述維摩詰所言**

三〇

菩薩品第四

藐 勒 率 滅 者 所 滅 · 天 王 得 説 受 !世尊授仁者記 , 一菩提 受記耶 若 無 記 一世尊 :『比丘 於 生 是佛 未 乎 及其眷屬,説不退轉地之行。 即 ,云何彌勒受一生記 ? 來 ! 我 ?若 是正位;於 過 告 生 ,汝今即 去 彌 ,未來生未 不堪 以如生得受記者 那 勒菩薩:「汝行 ,一生當得阿耨多羅三藐三菩提 ?未來 任詣彼 時 正位 , 亦 至 耶?現在 問疾 中,亦 ;若現在 乎! 生亦老 。 所 , 1 指維 如 無受記 為從如 耶?若 亦 無有 以者何?憶 時維摩詰來謂我言 摩詰問疾 生 滅 , 生得 生 , 亦 0 過 現 <u>_</u> 一; 若 在生 去 若 無 受記耶 生 。 ___ 念我 以 得 以 無 如 , 阿 無 ,為用何 住 彌 滅得 生得 過 ?為從 昔 耨 多羅 去 勒 0 , 生 白 受 如 如 記 佛 生 彌 佛 已 兜

天子 若 令 眾 故 提 緣 得 記 如 者 故 彌 此 生 提 也 0 , 畢 勒 所 順 離 不 諸 者 • 如 , 是 諸 不 實 竟 得 天 可 以 , 至 無 菩 行 以 滅 者 妄 子 寂 無 於 有 是菩 心 度 提 想 , 捨 滅 切 何 發 彌 滅 眾 . ? 夫 者 得 故 阿 , , 勒 生皆 順 , 提 0 於分別菩 耨 即 亦 障 寂 於 多 涅 如 如 切 是 無 滅 羅 槃 切 亦 如 者 眾 也 是 眾 應 故 菩 憶 三 相 ,不二不 生 0 念 菩 提 藐 生 得 提 ; , 若 皆 之見 故 住 提 \equiv 亦 0 不 , 彌 如 是菩 菩 當 復 所 障 ; , 勒 也 · 異 。 以者 諸 提 斷 滅 0 更 滅 得 , 提 諸 所 度 滅 是 願 心 受記 若 菩 以 者 何 故 相 0 0 切 住 提 故 者 所 彌 是 ? ; , 者 法 法 故 亦 以 勒 不 _ 何 ; , 亦 切眾 得 , 性 捨 不 ? 無 彌 者 入 如 菩 阿 故 是 諸 觀 勒 退 何 切 也 菩 是 提 生 耨 無 見 者 ? 眾 菩 , 提 故 者 諸 即 多 至 以 0 眾 一是菩 羅 生 提 此 佛 菩 彌 不 , 三藐 聖 離 法 提 亦 可 勒 知 無 賢 貪 是 離 以 誘 提 相 應 ! 身 受 切 當 亦

際 故 ; 不二 是菩 提 離 意 法 故 ; 等 是菩提 , 等 虚 空 故 無

提 為 是 , 諸 菩 入 不 提 , ·會故 無 生 住 ; 不 滅 合 故 是 ; 菩 知 提 是 菩 , 提 離 煩 , 了 惱 習首 眾 故 生 小 ; 行 無 處 故 是菩 ; 不 提 會 是 無

形 色 故 假 名 是 菩 提 , 名 字 空 故 如 化 是 菩 提 , 無 取 捨 故 無

妙 攀 是 緣 是 菩 菩 故 提 提 • , 常自靜 無 , 諸 異 是菩 法 難 故 知 提 ; 善 故 , 諸 寂 0 法等 是 ᆷ 2菩提 世 尊 故 ! ; , 維 無 性 比 清 摩 是菩 詰 淨 説 故 是法 提 ; 無 , 時 無 取 是 可 二百 崳 菩 故 提 天 ,

子 得 無生 法 忍 0 故 我 不任詣 波問 疾 0

微

離

亂

尊 ! 我 佛 告 不 堪 光 任能 嚴 童 子 彼 問疾 : _ 汝行詣 0 所 以 維 者何?憶念我昔出 摩詰問 疾 0 光 嚴 毘 白佛 那 離 言 大 城 世 ,

時 我 維 摩 詰 方 \neg 吾從道 入 城 0 場 我 來 即 0 為 ᆷ 作 我 禮 問 而 問 \neg 言 道 : 場 『 居 者 何 士 所 從 是 何 ? 所 <u></u> 來 ? ᆷ

苦 眾 煩 道 心 場 是 礙 場 \neg 故 惱 場 是 生 道 故 報 直 , , 是 故 故 增 知 道 成 場 心 ; ; , 諸 不 喜 精 是 道 場 ; 就 ; 益 , 六 是 持 道 法 場 誑 四 現 進 功 , 戒是 空 攝 通 見 是 德 世 正 道 場 , 間 諸 故 觀 是 故 道 故 場 知 , 道 諸 道 法 故 場 無 如 ; • 0 , 降 菩 場 實 法 場 解 悦 故 虛 ; , 魔 緣 故 樂 故 不 提 假 脱 , , 0 是 攝 得 慈 起 是 法 懈 心 故 ; ; 道 眾 是 眾 是 退 是 道 故 願 • + 發 場 生 故 道 生 道 場 道 具 ; 行 是 場 七 故 捨 場 故 場 , ; 禪定 是道 不 品 是 能 道 ; ; , , , 背 等 是 多 道 忍 傾 場 無 無 聞 辱 錯 動 捨 眾 是 場 道 場 明 , 故 乃 場 是 故 生 道 是 謬 知 , , 故 道 無 道 憎 場 故 能 至 , ; 我 老 捨 場 方 場 辦 愛 ; 0 , 悲 心 界是道 便 事 故 死 有 斷 布 , , 皆 為 是 是 調 於 故 如 故 施 ; 聞 道 諸 是 法 柔 無 道 ; 0 場 眾 切 盡 故 場 道 深 行 場 神 故 生心 法 故 故 場 通 心 0 , 是 無 諦 教 是 忍 智 是 ; 所 伏 慧 道 無 不 道 化 道 疲

無 趣 諸 故 過 ; 師 故 ; <u>=</u> 子 吼 是道 明 是道 場 場 無 , 無 所 餘 畏 故 礙 ; 力 故 ; — ` 念 無 畏 知 ` 切 不 共 法 是 法 是道 道 場 場 成

法 諸 就 時 有 , 所 切 五百 智 作 故 , 天人皆發阿耨多羅三藐三菩提心。 舉 0 足 如 下 是 足 , 善 , 當 男 子 知 皆 ! 菩薩 從 道 若 場 來 應 諸 , 住 波 於 羅 故 佛 蜜 我 法 , 不任詣彼問 教 矣 化眾 ! ۵ 説 生 是

疾

五 帝 所 室 欲 釋 世 , 時 尊 無 佛 與 , 常 而 魔 告 其 ! 語之言:『善來憍尸迦!雖 眷 波 我 持 , 以 屬 旬 不 世 水善 , 堪 菩 從萬二千天女,狀 稽 任 薩 本 首我足,合掌恭敬,於一面立 詣 :「汝行詣 ; 於 彼問 公身命 .' 疾 。 i 財 而 維 所以 摩 如帝 修 詰 者 福 堅 問 何 應有 釋 法 疾 ? , ° ___ 憶 , 不 鼓 ᆷ 念我 樂絃 即 持 當自 語 昔 0 世 歌 我 我 白 恣 , 佛 意 住 來 當 謂 詣 言 於 靜 觀 是 我

謂 養 女 羅 爾 日 我 諸 非 眾 女等 即 我言 法 時 如 汝 ; ! 之 空 欲 等 受 藐 問 , , 波 聚 樂 隱 已發道意 物 是萬二 維 : : , 旬 離 形 要 摩 可 • 9 菩提心 非 何 ! 樂隨護道意 詰 去 我 五 以 以 帝 謂 欲 語諸 與 沙 千 , 法 女與之 釋 菛 丽 我 天 , 0 樂 樂 有 不 也 釋 女言:『 女 , <u>_</u> 觀 ? 能 子 法樂可 如 , , 即 , 乃 是 隱 五 **_** 我 , , 可 隨所應而 樂 答 陰 為 此 應 備 , 魔 言 可 盡 魔 饒益眾生 如 受 非 以自娛 掃 得 :『樂 以 來 我 怨 其 灑 0 汝 去 賊 神 嬈 宜 ᆸ 0 為説 等 固 力 , 0 魔 0 , ᆷ 常信 不 與 樂 汝 即 , , 我 法 我 應復樂五 樂 觀 魔 亦 驚 所 耳 言 佛 ,令發道 敬 以 不 懼 言 四 ! , : 今 畏 養 得 7 大 未 , , ᆷ 樂 汝 故 訖 憍 去 師 如 念 即 皆 欲 欲 毒 維 語 ; , 0 , 意 樂 聽 當 樂 俛 摩 蛇 即 時 迦 魔 聞 詰 廣 法 也 0 發 仰 維 言 ! , 復 行 將 樂 阿 而 空 無 摩 0 言 無 詰 中 施 觀 樂 耨 以 與 天 此 供 聲 惱 是 內 多 來

燈

,

燃

百

千

燈

,

冥

者皆

明

,

明

諸

姊

!有法門名無盡

燈

,

汝

等

當

學

0

無

盡

燈

者

,

譬

如

:

何

止

?

維

摩

詰

<u></u>

具

足

0

於

不 成 樂 就 堅 ; 樂 非 相 樂 持 好 廣 親 戒 時 菩 故 , 修 提 樂 樂 諸 心 忍 近 辱 功 , 識 同 德 柔 樂 學 ;樂心 降 和 , , 樂 伏 , 樂 眾 樂 莊 喜 於 嚴道 魔 勤 清 非 集 , 淨 同 場 善 樂 ,樂 學 根 斷 ; 中 樂聞 諸 心 煩 樂 無量 無 深法 惱 襌 恚 定 , 道 礙 不 樂 묘 • 畏 亂 淨 之 樂 佛 , , 法 將 樂 樂 或 護 $\stackrel{\cdot}{=}$ 離 土 脱 垢 惡 , 知 門 樂 明

識

,

近

善

知

修

;

是

為

薩 菩 也 女 薩 0 0 法 : 樂 維 魔 ᆨ 以 言 摩 0 我 是諸 詰 : <u></u> 等 言 \neg 於是波旬告諸 居 與 女問 此居 士 ٦ 我 ! 維 已 可 士 摩 捨 捨 , 有 詰 此 矣 女言: 女 法 ! -我 樂 汝 , 等 7 便 , 我 云 我 將 切 去 所 等 欲 與 甚 有 , 於 令 施 樂 汝俱還 於 魔 , 不 宮 切 彼 眾 者 復 天 生 樂 宮 , 五 得 是 0 為 欲 法 <u></u> 菩 樂 諸 願

終不 盡 ; 如 是諸 姊 , 夫 菩 薩

維 提 住 滅 開 心 魔 摩 盡 導 詰 者 宮 百 , 隨 足 千 , , 為 以是無盡 所 , 忠 隨 報 説法 生 魔還宮 佛 , 令 發 恩 , 而 燈,令 亦 自 , 뎨 忽 大 增 耨多羅三藐三菩提心 (饒益 然 無數天子天女 益 不 現 切 一切眾 善法 0 世 尊 生 ,是名 ! , 發 0 維 阿 摩 爾 無 , 於 結 耨 盡 時 有 燈 多羅三藐三 , 其 天 如 也 是自 道 女 意 汝 頭 在 亦 面 等 菩 神 雖

乞人 夫 舍 力 大 世 施 設 尊 智慧辯 , 佛 ! 會 告 期 大 居 士 不 滿 施 我 長 當 才 會 七 者子善德:「汝行 不堪任詣彼問疾。所以者何?憶念我昔 **!何謂法施之會?**』 , 供 如 日 , 故 汝 0 我不任詣彼問疾 所 養 時 設 維 一切 , 摩 當 沙門婆羅門,及諸外道 詰 為 , 詣 法 來 維 施之會 入 『法 : 摩詰 會 中 施會者 問 , , 疾 何 謂 用 。 ___ 我言 是 無前 善 財 貧 : 窮 德 無後 施 -, 自 長 下 白 會 賤 佛 者 為 於 子 孤 ! 時 獨 父 !

喜 蜜 供 於 以 思 以 生 耶 以 敬 攝 宴 念 羅 波 養 如 , , , 0 起 事 智 坐 法 波 説 而 教 羅 起 ; 解 近 慧 於 起 化眾 羅 行 切 0 蜜 於六 無作 賢 慈 切 蜜 眾 ,行於捨心 ; 眾 聖 起於 心 , 以 生 生 生 和 • 起 以 ; 0 菩 , , 不憎 除 縛 敬 護 無 以救眾 是 多 提 而 慢 持 我 , 名 聞;以 相 起於空 起 起 法 正 法 惡人,起 0 法施之會 , 修行 以攝 質 ; 法 生 , 起 於 直 起 , 起 , 無諍 襌 ;不捨有為法 身命 起方 慳 地 心 羼 波 調 .) 大 ; 提波羅 ; · ° 法 羅 正 財 便 以具相 伏心; 悲心; , , 蜜;以一 行 起 力;以 , 起 起空 日 檀 善 蜜 : 以出 以 好 法 \equiv 波 ; 閑處 , 一堅法 度眾 以 羅 持 , , 何 而 切 及 離 家 起 蜜 正 謂 ; 趣 智 起 淨 法 於 生 ; • 身 法 也 , 於 無 佛 以 淨 , 心 ? , , 向 六六念 相 起 土 起 命 起 相 化 起 於深 ; 示 佛 般 犯 於 , 四 , 冒謂 漢喜心 若 慧 起 心 中 攝 起 戒 心 福 現 波 淨 毘 以 法 德 起 歡 受 羅 菩 起 梨 起

肯 善 業 變 如 珞 歎 大 道 不 眾 成 施 法 捨 來 法 取 未 ; , 中 四 分 主 知 曾 0 0 , 0 , 二百 入一 起 柱 作 我 如 \neg 有 , 若 寶 言 亦 是 切 切 , 施主等心施一最 眾 分 眾 臺 為 善 切 人 相 : 稽 男子 會 善 門 生 ; \neg , , 首 居 皆 皆 業 心 持 四 切 , 禮 士 見 世 發 面 起 念 , ; 維 ! 以 分 嚴 阿 間 於 光 是 , 摩 願 耨 慧 飾 明 施 福 為 得 如 詰足, 必納 國 此 多 法 業 應 田 ___ , 下乞人 羅 會 説 施 切 不 土 ; 0 之會 智慧 受 相 中一最 斷 法 難 三藐三菩提 ᆷ 即 , 障 勝 世 , 解 隨 蔽 尊 , ` _ 如 ; 切 起 瓔 猶 意 下 若 於 來 ! 煩 0 珞 ·乞人 所 如 維 菩 切 惱 智 時 , 價 心 薩 善 如 又 與 摩 業 維 ` 直 詰 __ 來 見 0 住 法 擪 0 , 百 , 福 詰 珠 持 我 説 是 切 知 千 維 時 起 田 瓔 是 法 障 現 之 以 分 摩 法 神 心 施 於 在 礙 切 上 得清 相 詰 彼 奉 會 法 時 變 ` 之 無 已 彼 乃 者 切 佛 所 難 受 婆 助 切 淨 不 瓔 羅 佛 作 勝 不 分 取 不

別

人

不任詣彼問疾。」

如 是諸菩薩各各 向佛説其本緣 , 稱 **延維摩詰所言** 皆 $\ddot{\exists}$

不任詣彼問疾。」

維摩詰所説經 卷中

【文殊師利問疾品第五】

得 等 文 法 承 要 利 殊 佛 入 白 , 0 師 聖 辯 佛 咸 爾 利 旨 降 言 作 才 即 時 與諸菩薩大弟子 時 詣 無 : 是念:「今二 伏 , 眾 滯 八千菩 佛 世尊!彼上人者 , 彼 魔 告文殊師利:「汝行詣維 問 智 , 薩 疾 遊 慧 ́。 _____ 無礙 戲 , 大 五 神 眾 士 於 百 通 是眾 聲 , , , 文 聞 , 難 及諸天人恭敬圍繞 其 切 菩薩 中諸 (慧方 殊 , 百 師 為洲對 語薩 法 千 利 便 天 式 , 皆 摩 大弟 人 維 悉 詰問 摩 深 , 딘 知 詰 達 皆 子 得 , 疾 欲 共 , 諸 實 度 , 談 入 隨 釋 佛 相 0 從 毘耶離 雖 袐 梵 , 文 善 必 四 然 藏 説 説 於 天 無 殊 是 法 不 妙 王 師

城

即 以 神 爾 力 時 ,空其室 , 長者維摩詰心念:「今文殊師利 內 ,除去所有,及諸侍者 ;唯置一床 與 大眾俱來。」 , 以

而臥

時 文 維 殊 師 摩詰言: 「善來,文殊師利!不來相而來,不見相而 利 , 既 入其舍 , 見其室空,無諸所有 獨 寢一 床

見 當云何滅 可 去 見 0 0 世 所以者何?來者無所從 文 尊慇懃,致問無量。居士是疾,何所因起?其生久如 殊 且 ? 師利言:「如是 置 是事 , 居士!是疾寧可忍不?療治有 , 居 |來,去者無所至;所可見 士!若來已更不來,若 損 , 不 者 去已更不 , 更不 ·至增 ?

維 摩 ·詰言:「從癡有愛 ,則我病生。以一 切眾生病 是 故

病 病 父 生 我 悲起 病 母 故 ; 眾 亦 譬如長者,唯有一子,其子得病,父母亦病;若子病愈 入生死,有生死則有病;若眾生得 ;若一切眾生得不病者,則我病滅。所以者 生病 愈。菩薩如是,於諸眾生,愛之若子,眾 愈 ,菩薩亦愈。又言是疾何所因起?菩薩病 離病者 , 則 何?菩薩 生病 菩 薩 則菩薩 者 無復 為 , 以 眾

求 ? _ 求 問 ? 諸 0 佛國土,亦復皆空。」又問:「以何為空?」答曰:「以空 文 空可分別耶?」答曰:「分別亦空。」 答曰:「當於諸佛解脱中求。」又問:「諸佛解脱當於何 答曰:「當於六十二見中求 殊師 又問:「空何用空?」 |利言:「居士此 室,何 答曰:「以無分別空故空。」 。 ___ 以空無侍者?」 又問:「六十二見當 又問:「空當於何 維 摩詰言 於 何 又

文殊師利問疾品第五

説

樂於

涅

槃

; 説 起

以

其有病

,是故我病

0

大

,

亦

不

離

地

大;水火風

大,亦復如是

。而眾生病

, 從

四

大

求 切 眾 答 魔 曰:「當於一切眾生心行中求。又仁所問何無侍 , 及諸 外道 , 皆吾侍 也。 所 以者何?眾魔者樂生 死 者

菩薩 大 身 病 合 無 ` 於生 火 形 ,身相離故;亦非心合,心如幻故。] 又問: [地大、水 文 大 不可見。」又問:「此病身合耶?心合耶?」答曰:「 殊 死 、風 師 面 利言:「居士所疾,為 不捨 大,於 ;外道者樂諸見,菩薩於諸見而 此 四大,何大之病?」 何等相?」維 答曰:「 摩詰言 不動 是病 非 非 地 我

薩 ? 爾 維 時 , 文 摩詰言:「説身無常,不説厭離於 殊 師利問 維摩詰言:「菩薩 應云 身 何 説 慰 身 有苦 崳 有 疾 不

身無我 , 而 説教導眾生;説 身空 寂 , 不 説 畢

識 勿 寂 生憂 宿 疾菩薩 滅 世 惱 説 無 數 悔 , 常 ,令其歡喜 劫苦 先罪 起精 , , 當 進;當作醫王 而 念饒 不 説 益 入 於 切眾 過去;以己之疾 ,療治眾病 生 一;憶 所修 。菩薩應如是慰喻 福 , 愍 ,念於 於 彼 淨 疾 命 ; 當 ,

文 維 殊 摩 詰 師 利言 言:「有疾菩 :「居士 !有疾菩薩云何調伏其心?」 薩 , 應 作是念: -今我此

世妄 當 我 滅 唯 大 合故 法 起 ; 是 想 滅 法 彼 顛 想 故 ,假名為身;四大無主,身 0 倒 有疾菩薩 於 又 ,應作是念:『但以眾 諸煩惱 此 我 法 , 不 者 生 , 應生著。 , 為 , 無 各 滅法想 不 有 相 實法 既 知 ,當作是念:『此 知病本,即 ,起時不言 法 ,誰受病 ,合成 亦無我。 此 者 我 除我 身 又此 ! 起 ; 想 法想 起 病 所 及眾 滅 以 病 唯 起,皆由 時 者 法 者 , 生 皆 不 起 何 亦 言 想 從 ? 是 我 著 前 四 滅

皆 受 平 平 顛 云 · 等 · 等 而 空 何 倒 受諸 離 , 0 0 顛 無 以 云 我 受 有 我 何 倒 何 ,未具質 餘 為 平 所 者 是 · 等 病 空 ? 謂 ? 即 , ? (佛法 唯 但 謂 離 大 有 我 _ 以 患 ,亦不滅受而取證也。 空 名 等 法 病 字 涅 我 0 云 ; 空 故 槃 應 等 離 空 何 病 之 離二 0 0 亦 0 所 如 空 此 法 <u></u> 以 云 者 0 ? 是有 法 何 謂 何 為 ? 不 , 疾菩 念 我 無 離 決 及 內 ? 薩 定 涅 離 外 諸 性 槃 我 , 以 法 我 0 無 所 得 此 行 所 是 於

謂 為 本 云 有 離 何 ? 切 眾 謂 斷 設 疾 見 攀 生 菩 身 有 緣 攀 有 ; 薩 0 但 苦 何 ? 緣 調 以 除 謂二見 ; , 伏 念 從 其 無 · 其心 所 惡 有 病 ? 得 攀 趣 , , 謂 眾 緣 而 ; 為 若 內 不 生 , 斷 見外 無 則 除 , 老 所 為 起 法 病死 見 得 大悲心 病 , 為 本 , , 苦 是 斷 則 0 , 無所 病 無 何 , 是菩薩 我 攀 本 所 得 緣 攀 而 既 緣 教 0 0 調 菩 文 ? 導 伏 何 提 殊 謂 之 謂之三 , ; 師 亦 無 0 若 當 所 何 利 得 界 謂 調 不 ! 是 病 伏 如 ? 0

病 是 死 , 者 己 所 , 菩 修 薩之謂 治 , 為 也 無 慧 利 0 譬 如 勝 怨 , 乃 可 為 勇 ; 如 是 兼 除 老

薩 嚴 慧 處 自 見 於 離 病 之 方 縛 有 生 佛 亦 0 0 便 所 非 土 縳 彼 ; 死 所 縛 真 有 以 , 是 覆 有 以 , 成 方 故 能 非 疾 也 疲 者 , 苦薩 菩薩 就 便 有 解 有 厭 0 何 眾 慧 生 彼 所 0 心 ? 方 生 縳 不 ᆷ , 生 菩 是 便 作 應 應 ; , 無 薩 若 於 解 菩 起 無 是 復 縛 能 斷 空 薩 觀 作 有 縳 0 , 離 除 無 是 時 解 能 是念: 何 0 客 此 相 謂 處 為 , 於 何 0 塵 , 無作 無方 又 謂 眾 • 煩 無 若 諸眾 無方 縛 -生 有 惱 如 法 自 便 ? 説 疲 丽 中 慧 何 生 我 無 便 法 起 厭 若 此 慧 謂 縛 縳 解 , 大 , 起 病 而 縛 解 ? , 縳 悲 在 愛 謂 能 自 ? , , 0 在 菩 貪 見 非 有 調 解 如 所 愛 著 薩 大 真 方 彼 伏 佛 見 生 便 禪 悲 非 以 縛 所 悲 慧 是 愛 味 有 , 説 , , 者 名 見 解 斯 不 即 , 為 眾 無 心 有 是 應 -方 菩 若 是 捨 無 則 生

眾 身 益 身 有 邪 解 生 便 慧 見 無 德 慧 0 ; , 等 是 切 常 方 本 何 於 縳 病 諸 謂 便 空 , , , 0 苦 無慧、 是 是 而 解 無 煩 何 身 惱 名 相 不 ` 0 謂 文 方 厭 空 無 無 , , 有 而 慧 非 倦 便 作 殊 ` 方 新 非 縛 方 法 師 植 , 便慧 是 我 眾 非 ? 中 利 便 謂 名 德 故 縳 ! , , 解?謂 方 是 彼 本 菩 以 , 0 薩 是 便 名 有 自 , 何 名 為 疾 迴 謂 住 調 0 不以愛見心莊 資欲 (菩薩 為 慧 又 有 伏 向 慧 復 慧 ; 阿 • 觀 雖 , 方 瞋 而 耨 ; 設 身 身 應 多 恚 便 不 羅 身 有 邪 疲 如 解 , 見等 有 身 是 三 ? 厭 疾 嚴 藐 謂 觀 疾 不 , , 佛 諸 常 \equiv 諸 是 離 離 , 土 菩 諸 名 煩 病 在 法 而 , 生 提 貪 惱 有 0 不 , 病 又 欲 方 成 死 永 , 是 就 復 瞋 滅 便 不 而 離 慧 眾 名 饒 觀 恚 植

住 不 調 文 伏 殊 心 師 利 0 所 ! 有 以 者 疾 菩 何 . 薩 ? 若 應 住 如 不 是 調 調 伏 伏 心 其 心 , 是 • 愚 不 人 住 法 其 ; 中 若 , 住 亦 調 復 伏 不

是名方

便

0

受身 薩 是 雖 而 行 無 是 心 菩 菩 漏 波 行 不 非 薩 行 , 薩 雖 羅 愛 薩 是 \equiv 時 行 ; , • 非 是 是 界 著 聲 蜜 行 觀 求 ; 行 菩 菩 雖 凡 十二緣 聞 ; , 0 , , , 薩 是菩 夫行 薩 雖 在 而 過 而 是 法 魔行 行 行 不 於 遍 行 · 菩 0 ·壞法 , 非 無 薩 起 是 知 生 ; 薩 雖 眾 雖 故 行 相 死 , 行 \ 菩薩 行 行 性 賢 生 而 丽 , , ; 入諸 無 雖 聖 不 四 心 , 是 而 現降伏眾魔 雖 無 起 度 樂 行 為 不 心 觀 量 眾 菩 當 數 遠 邪 污 , ,是菩薩 諸 薩 心 生 行 住 法 見 而 離 法 , 於 行 起 , , ,是菩薩 , , 不 是 住 調 而 是 而 ; , 生 雖 菩 菩 不 切 是菩薩 行 於 伏 不 , 而 貪 薩 善 薩 行 依 涅 不 ; 非 著 身心 行 於 槃 調 行 行 行 不 行 生 空 垢 伏 ; , , 入正 於 雖 不 雖 盡 雖 行 是 , ; 心 梵 菩 雖 攝 行 行 而 , 永 , 位 非 薩 植 是 世 六 無 求 滅 離 眾 , 菩 作 切 淨 此 , 通 行 度 是菩 眾 是 德 薩 行 切 菩 雖 本 是 法 智 而 而 行 生 薩 薩 是 現 不 ,

處 行 , 而 雖 不 行 畢 襌 竟 定 永 解 離身受心 脱 三昧 法 而 , 不隨 是菩薩 禪 生 行 , ; 是 雖 菩薩行 行 四 正 勤 ; 雖 , 行 而 四 不 捨 念

行 身 心 精 雖 進 行 五 , 是菩薩 根 , 而 行 分 別 ; 眾 雖 行 生 諸 四 根 如 意 利 足 鈍 , , 是 丽 菩 得 自 薩 在 行 神 雖 通 行 , 是 **E**. 菩 力 薩

道 之 法 , 而 不 ·畢竟 墮 於 寂 滅 , 是菩薩 行 ; 雖 行 諸 法 不 生 不 菩

薩

行

;

雖

行八

正道

, 而

樂

行

無量

佛

道

,

是菩薩

行

;

雖

行

止

觀

而

樂

求

佛

+

力

,

是菩

薩

行

;

雖

行

七

覺

分

,

而

分

別

佛

之智

慧

是

助

相 好 莊 嚴 其 身 , 是菩薩 行 ; 雖 現 聲 聞 辟 支 佛 威 儀

是 捨 菩 佛 薩 法 行 , 是 ; 菩 雖 薩 觀 諸 行 佛 ; 國 雖 土 隨 諸 永 寂 法 究 如 竟 空 淨 , 相 而 現 , 種 而 隋 種 清 所 淨 應 為 佛 土 現 其 ,

薩 行 ; 雖 得 佛 道 轉 于 法 輪 入 於 涅 槃 , 而 不 捨 於菩薩 之道

是菩薩行。

是

之 菩 身

,

而

不

滅

,

而

以

説是語時,文殊師利所將大眾,其中八千天子皆發阿耨多

羅三藐三菩提心。

思 議品第六】

爾 時 , 舍利 於何坐?」 弗見此室中無有床座,作是念:「斯諸菩薩 大

眾

常當

戲論 詰言 求 耶 法 以 求 者 者何?法無戲論;若言我當見苦、斷集 [:] 唯 求 , 非 夫求法者,無見苦求;無斷集求;無造盡證修道之求。所 長 唯 ,非有色受想行識之求;非有界入之求;非有欲色無色之 者 床座耶?」舍利弗言:「我為法來,非為床座。」 求 舍 維 法 ,舍利弗!夫求法者,不貪軀命 利 摩詰知其意,語舍利弗言:「云何仁者, 也。唯 弗!夫求法者,不著佛求;不著法求;不著 ,舍利弗 !法名寂滅 、證 ;若行生滅 , 何 滅、修道,是 況 床 , 是 座 ! 為 水生 維 夫 法 眾 則 求 摩 來

得 者 無 可 非 所 取 非 滅 為 見 法 求 捨 求 , , , 於 聞 眼 是 法 法 非 ; • 若 覺 若 淨 也 則 也 求 行 著 切 知 法 0 取 0 法 有 法 法 處 也 ; 捨 若 為 不 無行 0 , , 法,是 非 應 法 行 可 , 無所 是 見 住 求 處 名 聞 法 無 ;若行 求 • 則取 若 染 求 也 覺 有 為 住 。 法 。 ___ 知 • 捨,非 若 於 於 , , 説 非 法 名無相 法 染 是 於 是語時 則 求 , , 求法 是 是 法 法 見 聞 則 則 也 , 也 若 行 覺 住 乃 0 0 。 法 是 法 隨 處 五 知 至 百 故 相 涅 , , , 無 非 非 天 舍 非 識 槃 處 子 求 求 求 利 , , 於諸 所 法 是 法 是 弗 法 ; 則 也 則 也 也 ! 若 法 若 求 染 0 0 著 法 著 中 法 相 法 求 法 處 名 無 不

利 億 阿 僧 :「居士 爾 祇 時 或 , , 長 !東方度三十六恒 者 何 等 維 佛 摩 土 詰 有 , 好 問 上 文 妙 殊 河 功 師 沙 德 利 或 成 言 就 : 有 師 世界 仁 子 之 者 名 遊 座 須 於 ? 無量 彌 相 文 殊 千 其 萬 師

變 諸 廹 弟 彼 佛 菩 形 迮 千 子 佛 萬 號 師 遣 為 薩 四 , 須 悉 千 四 上 釋 子 彌 人 萬 萬 見 座 由 燈 梵 三 手 俱 二千由 如 王 旬 , 四天 , 坐 故 無 , 嚴 今 師 所 ; 0 王 當 飾 旬 妨 子 現 爾 等 , 自 座 第 時 礙 在 , 坐 立 • , 昔所 , 彼 師 身 於 高 維 廣嚴 子 如 毘 佛 摩 未 語語語 於 身 座 彼 耶 · 見 。 淨 長 座 是 • 離 諸 長 八 像 城 文 , 其 新 , 及 來 萬 者 。 ___ 殊 室 發 維 入 四 師 廣 意 其 閻 維 千 摩 利 博 菩薩 摩詰 浮 得 盐 : — 由 提 神 旬 現 悉 及 就 四 室 神 , 通 皆 菩 師 天 大 ; 通 其 諸菩 子 下,亦 包 弟 薩 力 師 容 子 座 子 , . 薩 座 即 ! 即 皆 自 與 萬 不 時

彌 燈 ! 王 此 爾 如 座 時 高 來 , 作 廣 維 禮 , 摩 吾 盐 乃 不 語 可 能 舍 得 昇 利 坐 弗 0 : — 維 於 就 摩 是新 詰 師 言 子 發意 : 座 ! 治菩薩 唯 , 舍 舍 及 利 大弟 利 弗 弗 子 ! 為 即 須 居

不

能

昇

為須彌燈王如來作禮,便得坐師子座。

覺 之 龞 河 解 中 王 須 弗 天 下諸 不 彌 座 脱 黿 沙 ! , ` 菩 是 諸 知 鼉 忉 之高 舍 世界之外 ,於毘 薩 己 名不可思議解脱法門。又以四大海水入一毛 利 天龍 水性之屬 佛菩薩 利 之所 諸天 廣 弗言:「居士!未曾有也!如是小室 , 斷 王鬼神宫殿 那 內芥子中 , 不 入 取三千大千世 ,有解脱 離城,無所妨礙;又於閻浮提聚落 , , 其中眾生,不覺不知己之所往;又復還置 於 而 覺不知己之所入,唯 此眾 彼 ·無所 大海 ,名不可 ,亦不迫迮。」 生 增 本 界 亦 減 無 相如故 , , 須 思議 如 所 嬈 陶 彌 家 ; 0 0 山王 諸 維 若菩薩 輪 又 應度者 舍利 龍 , 摩喆言:「 本相 著 鬼 右 神 , 弗 乃 住是解 如 乃 掌 見 阿修羅 ! 城 故 須 容 中 住 孔,不 邑 ; 脱 唯 受 彌 , 不 入芥 等 而 者 此 擲 , 可 及 思 嬈 舍 高 過 四 本 魚 子 以 利 四 廣 恒 不

之 眾 處 生 樂 都 劫 久 不 住 使 或 世 人有往 有 而 眾 可 生 度 來 不 者 想 樂 , , 久住 菩 而 薩 此 而 世界本 即 可 演 度 七 者 日 相 , 以 如 菩 為 故 薩 __ 0 即 劫 又 促 舍 , __ 令 利 劫 彼 弗 眾 以 ! 為 生 或 謂 有

日

,

令

彼

眾

生

謂

之

七

日

0

又

舍

利

弗

! 住

不

可

思

議

解

脱

菩

薩

眾 以 方 生置 眾 切 之右 生 佛土 供 養 掌 嚴飾之事 諸 , 飛 佛之具 到 + , 集 方遍示 , 菩 在一 薩 · 切 或 於 , 示 一毛 , 而 於眾 孔 不 , 動本 生 ; 皆 令 又 得 處 菩 見 0 又 薩 ; 又 舍 以一 + 利 佛 方 弗 國 ! 土

星 菩 薩 宿 , 悉 能 於 吸 毛 著 孔 口 中 , 普 , 使 而 見之 身 無 損 0 又舍 , 外 諸 利 樹 弗 木 ! 十 , 方 亦 世 不 摧 界

折

又

十方

世

界

劫

盡

燒

時

,

以

切

火

内

於

腹

中

,

火

事

如

故

而

為

害

0

又

於

下

方

過

過

恒

河

沙無數

世界

所

有

諸

風

,

土

所

有

日

月

恒 , 河 如 沙等諸佛 持針鋒 舉 世界 棗 , 取 葉 , 一佛 而 無所 土 嬈 , 舉 0 著 又 舍

法 作 現 身 利 佛 轉 弗 , , 皆 聲 輪 或 ! 於 住 王 現 , 其 身 聲 不 演 聞 中 可 。又十方世界所有眾聲 出 '思議 身 , 無常苦空無我之音;及十方諸佛 普 , 令得聞 或 解 脱菩 現 帝 釋 薩 。 舍利 身 , , 能 以神 弗 或 , 上 !我今略説菩薩 現 梵王 通 一中下音,皆能變之, 現 身 作 佛 , 身 或 , 現 , 所 不 世 或 説 主 可 現 種種 思 辟 身 議 支 令 解 之 或 佛

謂 脱 聲 號 此 是 泣 舍 之力 聞 大 , 其 利 是 乘 , , 聲 聞 弗 誰 時 ,若廣説者 震三千大千世界;一切菩薩 已 : — 不 是不可思議解脱 發 如 大 譬如有人,於盲者前 阿 (迦葉 敗 種 耨 多 ,窮劫不 ! 聞說菩薩不可 羅 \equiv 切 法 聲 藐 盡 聞 門,不能 三菩提心 0 , 聞 思議 是不 現眾色像,非 解 ; 解 我 了 應 可 脱 思 等 大欣慶 , 法 議 何 為 門 若 解 為 永 此 彼 脱 歎 所 頂 法 絕 也 其 未 受 門 ! 見;一切 此 曾 智 根 法 皆 有 者 聞 應 於

葉 有 説 菩 是語 薩信解不可思議解脱法門者,一 時 ,三萬二千天子 ,皆發阿耨多羅三藐三菩提心 切 魔眾無如之何。」大

乞者 慧方便之門 堅 廹 金 鼻 生 作 薩 銀 固 魔 ` , , 示 琉 頭 王 爾 現 , 0 譬 目髓腦 諸 多是住 作 者 時 璃 所 眾 如 魔 以 ` , , 生如 硨 龍象蹴踏 維 王 者 多 磲 不 ` 摩喆語 何 0 是 是 碼 可 血肉皮骨、聚落城邑、妻子 住 ? 又 難事 思議 碯 迦 不 住 大迦葉:「仁者! ,非驢所堪 ` 葉 不 可 解脱菩薩 珊 , 思議 可 !十方無量菩薩 凡夫下劣,無有 瑚 '思議 琥 解脱菩薩 珀 解 ,是名住不可思議解脱菩薩智 ` , 脱菩薩 以方 真 珠 十方 , 便 珂 以方 , 或 力勢 , 有 力 貝 無量 , 奴 ` 威 有人從乞手 便 而往 衣 婢 , 德 力 阿 不 服 ` 故 力 僧 試 能 飲 象 之 馬 , 祇 如 食 , 故 教 , 是 車 世 ; 令 足 化 界中 行 逼 乘 如

迫

其

此

逼

耳

眾

【觀眾生品第七】

惱 色 如 此 如 雲 見 若 第 水 詰 阿 ; , , , 此 如 羅 六 中 言 如 如 如 爾 漢 無色 陰 夢所見已寤 水 入 月 : 時 三毒 聚 滅 , , , 譬 界色 如第 文 沫 盡 如 |如幻 殊 鏡 定 , , 如 七 如 師利問維摩詰言:「菩薩云 , 出 中 師 得 如焦穀 情 水 ,如滅度者受身 入息 見 上 忍菩薩貪恚毀禁 元 其 面 , 見所幻 如十三入,如 泡 , 芽 , 如 像 , 如 如芭蕉 空 , 人, 中 如 須陀 鳥 熱時 菩薩 堅 , 跡 如無煙之火, 洹 + , , 焰 觀 , 身 九 如 如 如 眾 界 佛 見 電 石 如 何觀 生 煩 久 , , 女 呼 為 菩 惱 住 如 兒 聲 若 於 習 薩 阿 , 菩薩 .那含: 響 眾 此 , 觀 如 , 如 眾 第 生 , 如 ; 化 盲 ? 觀眾生 入 生 五 如 如 為 空 者 胎 智 人 大 煩 見 若 中 者 維 ,

慈 故 施 愛 行 慈 淨 不 也 自 $\stackrel{\cdot}{=}$ 慈 故 故 壞 , 0 安眾 然 慈 無 行 世 行 菩菩 • 文 不 行 慈 行 故 寂 精 , 無 殊 薩 畢 生 滅 知時故 大 無邊慈 師 進 遺 , 慈 作是觀 悲 無 故 竟 行 慈 惜 利言:「 盡 無諍 慈 因 ; , 故 得 行 故 無 ; 行 , 荷 ; 行 已 所 導 故 如 ; 行 如 慈 負 來 虚 生 方便慈 以大乘 , 自 ; 若 眾 , 持 行 慈 空 堅 故 無 一菩薩 生 戒 菩 故 ; 行 念我當 固 所 , 故 慈 故 得 ; 行 , 提 慈 起 作 ; , 慈 故 不 ; 行 , 心 如 是觀者,云何行慈 行禪定慈 化 阿羅 熱慈 切 示 為眾生説如 相 ; , 毁 等 行 故 無 無 禁故 現故 漢 厭 毀 不 , ; 慈 味 行 慈 故 無 ; , 故 佛之 煩 慈 ; 行 , , ; 不 行 破 惱 斯 觀 行 ; , 受味 忍 無隱 空 行 慈 結 清 內 故 法 辱 無 無等 賊 淨 外 ; , , ? 故 慈 覺眾 故 行 是 慈 慈 我 不 等 ; 即 慈 , 諸 合 , ; 故 , 護 行 之慈 維 直 行 真 生 故 **!**菩薩 心 智 彼 法 行 故 實 斷 摩 慧 我 性 行 慈 諸 法 ,

淨 故 ,令得佛樂故。菩薩之慈,為若 ; 行 深心 慈 , 無 雜行故 ; 行 此 無誑 也。 慈 不 虚假故 ; 行 安

與 0 切眾生共之。」「何謂為喜?」答曰:「有所饒益 文 殊師利又問:「何謂為悲?」答曰:「菩薩所作功 , 歡 德 喜 , 皆

惱 問 何 如 悔 所 來 功德 「菩薩欲依如來功德之力,當於何住?」答曰:「菩薩欲依 除 文 菩 答曰:「當行不生不滅。」又問:「何法不生?何 何謂 殊 何 ?」答日 力者 薩 所行 師 於生死畏中,當 利 為捨?」 ? ,當住度脱一切眾生 又 :「欲度眾 問 答日:「 :「生死有畏 答曰:「所作福祐 當 生 依 行 ,除其煩 如來 正念 ,菩薩 。」又問:「欲度眾 功德之力。」文 ° ,無所希望 惱 當 又 。」又問 何 問 所 : 云 依 ? : — 殊 何 欲 維 行 師 生 法不 於 除 利 摩 煩 又

問 為 倒 答曰:「無住則無本。文殊師利!從無住本,立一切法 本 滅 本 ? 想孰為本?」答曰:「無住為本。」又問:「無住孰為本?」 :「 虛妄分別孰為本? 」 ? 0 」又問:「 答曰:「身為本。」又問:「身孰為本?」 答曰:「不善不生,善法不滅。」又問:「善不善 欲貪孰為本?」答曰:「虚妄分別為本。」 答曰:「顛倒想為本 。」又問 答曰:「欲 孰 顛 又

生分別 曰:「勿謂此華為不如法。所以者何?是華無所分別,仁者自 子 以 天華 利 便著 ·弗:「何故去華?」答曰:「此華不如法,是以去之。」天 時 視想耳 維 , 不墮 散諸菩薩大弟子上。華 摩詰室有一天女,見諸大人聞所説法, ·! 若 。一切弟子, 於佛法出家 , 有 神 力 法華 至諸菩薩 所分別 ,不能令 ,為不如法 ,即皆墮 去 便 0 i; 若 現其身 落 爾 , 至 時 無所 天 大 , 即 問 弟

也 別 人 盡 0 畏 者 已 是 時 華 離 則 , ·不著· 畏 非 如 者 入得 法 也 0 。 ___ 其 觀 切 五 諸 便 菩薩 ; 欲無能為 如 是 華 弟 不 子 著 畏生 也;結習未盡,華 者 , 死 已 故 斷 , 色 切 分 聲 香 別 著 想 味 觸 身 故 耳 得 其 譬 便 如

答 以 解 間 説 何 如 耆年解 文字 脱 離 日 如 文 久 淫 也 : 舍 ? 怒 利 字 解 皆 癡為 脱 弗 所 亦不 舍利 言 脱者無所言 。 ___ 解 以 :「天止此室 者 脱 解脱乎?」天曰:「佛為增上慢人,說: 内 舍利 相 弗 何 不 。所 默然不答。天曰:「如何耆舊 ? 外 弗言:「止此 説 以者何 切諸 不 在 ,故吾於是不知所云。」 , 法是解 兩 其已久如?」 ? 解 間 久耶?」 0 脱者 脱 是故舍利 相 ,不內、 。 ___ 天日:「 答日:「 舍利 弗 ! 不 大 弗言 無離 天 智而 外 耆 我 離淫 年 日:「言 止 文字 不 默 解 此 怒 不 在 ? 脱 室 癡 復 説 兩 亦

是 利 ? 弗 解 言 脱 天 : — 耳 日 ; 善 \vdots 若 哉 無增 我 , 善 無 上慢 得 哉 三天 無 者,佛 證 , 女! 故 説 辯 汝 淫 如 何 怒癡 是 所 得 0 性 所 , , 以 以 即 者 何 是 何 為 證 ? 解 若 脱 , 辯 有 得 乃 有 如 舍

證

者

,

即

於

佛

法

為

增

上

慢

。 __

等 蔔 但 出 聞 大 法 聞 悲 化 辟 , , 眾 菩 入 不 舍 支 法 舍 薩 此 生 嗅 利 佛 化 利 眾 大慈 餘 故 室 弗 弗 功 問 者 生 ! 香 德 , 大 吾 故 我 , 聞 天:「汝 ; 香 為 悲 止 如 , 也 此 我 聲 斯 是 , 0 不 室 為 聞 上 舍 , 一人講 若 ; 以 於 可 大 , 利 三二乘 + 入此 思議諸 乘 弗 説 有二年 因 0 ! 舍 正 室 緣 , 其 為 佛之法 法 法 , 利 有 化眾 但 弗 何 , , 釋 初 皆 .聞 志 ! 梵 不 樂 佛 如 生 0 求 四 舍 聞 故 佛功德 功 ? 人 天王 徳之 入 説 利 , 聲聞辟 我 膽 弗 天 之香 , 香 為 日 ! 蔔 諸 $\ddot{\vdots}$ 此 辟 , 林 室 支 天 不 支 , , 發心 龍 以 常 佛 樂 佛 唯 聞 現 法 鬼 聲 嗅 聲 以 聞 神 瞻 而

中 是 月 法 大 之 波 王 諸 不 未 樂 以 曾 現 未 上 藏 羅 垢 , 0 曾 人 寶 他 之 日 有 蜜 此 , , , 眾 是 有 念 嚴 絃 方 所 月 難 不 室 為 難 時 退 菩 得 出 惱 所 寶 釋 ` 無量 薩 也, 之 得 難 積 轉 八未曾有 迦 照 , 之 即 勝 滿 法 來 為 法 牟 會不 皆 法 是 法 明 0 , 尼 為 師 周 化 是 何 0 , 佛 為二未曾有 絕 是 難 此 之 為 等 來 窮 子 ` 為一 濟乏 得之法 響 聲 四 為 室 , , 뎨 是 廣 未 八 ` __ , 彌 未 説 切 是 曾 為三未 ? 陀 求 諸 諸 切 有 此 為 曾 0 佛、 難得之法。此室 利 難 舍 室 佛 得 有 天 五 嚴 成 常 利 未 得之法 曾有難 秘 無 難得之法 阿 以金 弗 飾 要 盡 曾 閦 法 如 宮 有 ! , 佛 此室 得之 藏 是 是 色光 殿 難 0 、 寶 此 等 為 得 0 , , 六未 常 説 +室 法 此 諸 之 照 常有领 德 方 法 常 現八未曾 已 室 佛 0 , 無量 還 曾 作 此 入 晝 ` 淨 0 寶 釋 天 室 者 去 有 此 夜 土 梵 炎 常 諸 難 室 人 無 , , 有 説 第 皆 是 得 佛 有 四 不 異 難 為 寶 為 於 之 四

之法

弗 天 故 現 利 相 幻 求 無定 以天 女 弗 女 問 , 云 女 切 天問舍利弗:「女身色相 身 ! ; 人 舍 , 若 女 天 何 相 何 相 法 利 ,一切女人亦復如是,雖現女身,而非女也,是 自化 像 能 乃問不轉女身!」即時天女以神通力,變舍利弗 非 , 當 以 , 了 弗言:「汝 轉 而答言 不 **、男非女。」即時天女還攝神力,舍利弗** 此女· 身 何 轉 不 如 所轉!」天曰:「一切諸法亦復如 女 可 身 :「我今不知何轉而變為女身!」 舍利弗 身 得 何以不轉女身?」 ,則一切女人亦當能轉;如 , ,當何所轉?譬如幻師化作幻 是人為正問不?」 , 而 ,今何所在?」 問言:「何 天日:「我從 舍利 以不轉 舍利弗言:「女身 弗言:「 舍利 女身?」舍 是, 天日:「 身還 女 十二年 弗非 無有 不 故 , 令如 若 復 佛 女 也 如 説 而 舍 利 定 來 !

沒 所 不 色 生 , 當 在 相 ,非沒生也。」天曰:「 眾生猶然 ; , 生何所?」天曰:「佛化所生,吾如彼生。」曰:「 夫 無 無在 在 無不 無不在 在 者 佛 天日:「一切諸 所説也。 含金 ,無沒生也。_ 法 ,亦復 利 弗問 如 天:「汝 是 , 無 佛 於此 在 化 無

舍 有 得 得 日 耶 者 藐 利 , 弗言 ? 世 如 一如舍利 舍 三菩提,亦無是處。所以者何?菩提無住 」舍利 利 恒 非謂菩提 河 :「我作凡夫,無有是處。」天曰:「我 弗問天:「 沙 :「無所 一沸還 弗言:「今諸佛得阿耨多羅三藐三菩提 皆 為 有 謂 凡 汝久如當得 得 去 何 夫 故 乎 來 , 而得 今 ?」天日:「皆 我乃當成 0 。」天日:「諸 天日 뎨 耨多羅三藐三菩 阿 : 耨多羅三藐三菩 舍利 以 世俗 弗 佛菩薩 處,是 文 ! 字 得 汝 提 得 數 阿 故 ? 已 亦 阿 故 耨 提 無有 羅 得 多 復 如 漢 説 羅

佛 已能遊戲菩薩神通,所願具足,得無生忍,住不退轉;以 爾 時 ,維摩詰語舍利弗:「是天女已曾供養九十二億諸

本願故

,隨意能現

,教化眾生

【佛道品第八】

其 獄 薩 間 怠 住 示 具 語言 心 淨 行 足 行 於 戒 瞋 功 無 出 而 爾 諸 懃 示 恚 德 : 「 若菩薩行於非道 非道?」 時 世 , 修 · 行 間 乃 罪 ,文殊師利問維摩詰言:「菩薩云何通達佛道?」 ,於諸眾 0 '慳貪 慧 至 行 垢 功 德 小 色 ; 。示行諂 罪 答日:一 ; 示 無 至於畜 , 而 生 色 , , 無有: 猶 捨 界 行 偽 亂 懷 內 道 生 若菩薩行五 , 外 , 意 大 , ,是為通達佛道 懼 所 恚 不 無 而善方便,隨諸 , ; 示 有 礙 以為 有 而 無明 常念定 ;示行 , 勝 行 不 無間 瞋 ·惜 憍 。示行 . 愚癡 恚 身 慢等過 ; 示 命 , , 。 ___ !經義 丽 行 貪 而 ; , 示 愚 常 而 欲 無惱恚 ; 又問:「云何 ; 示 ·行毀禁 癡 慈 以 至 , 智慧 忍 離 于 , 行僑 ; 示 諸 餓 ; 而 染著 至 鬼 通 , 調 于 慢 達 行 而 世 懈 伏 地 維 安 而

身

為

,

無明

種

為

,

四

倒

為

種

師

利

而 而 辟 順 於 支 眾 佛 智 佛 生 慧 , , 猶 而 , 不 成 如 就 隨 橋 大 他 梁 悲 教 ; 示 , ; 教 示 行 諸 化 入 眾 聲 煩 惱 聞 生 0 , , 示 而 而 為 入 心 常清 眾 貧 窮 生 淨 , , 説 而 0 有 示 未 入 寶 聞 手 法 於 魔 ; 功 示

佛 德 入 種 無 盡 姓 中 ; 示 , 具 入 諸 刑 功 殘 德 , ; 示 而 具 入 諸 羸 相 劣 好 醜 , 陋 以 自 , 而 莊 得 嚴 那 • 示 羅 延 入 身 下 賤 , 切 而 眾 生

生

之

所

樂

見

; 示

入

老病

,

而

永

斷

病

根

,

超

越

死

畏

; 示

有資

生

,

諸 現 而 眾 於 恒 訥 生 觀 鈍 無 現 常 , 徧 而 , 入 成 實 諸 就 無 道 辯 所 才 貪 , 而 ; , 斷 總 示 其 持 有 因 無 妻 妾 緣 失 采 ; 。 示 現 女 於 入 , 涅 邪 而 槃 濟 常 遠 , , 離 而 而 以 不 五 斷 欲 正 生 濟 淤 泥 死 度

文 殊 有 師 於 利 是 維 ! 菩薩 摩詰 種 能 問文 如是行 殊師 有愛為 於非道 利 : ,是為通達佛道 ,貪恚癡 何 等 為 如 來 種 種 。 __ ? 顛 文 殊

七

珠 如 壤 煩 泥 發 種 種 五 之 須 惱 蓋 阿 ; 知 , 十 0 如是 彌 泥 耨 地 乃 為 中 生 多羅三藐三菩提心。譬 Щ 曰:「何謂也?」答曰:「若見無為入正 不善道為 , 種 乃能 不入煩惱大海, 此 ,猶能發于阿耨多羅三藐三菩提心,生佛法 切 , ,六入 華 乃有眾 煩 滋茂 0 惱 種 如 , 為 為 生 是 0 。以要言之,六十二見及一 種 如 起 見無為 如 , 七 是 佛 來 則不能得 法 入無為正位者 識 種 法 耳 處 。譬如不下巨海 入正位者 如高原陸地 0 為 又 種 如 切 , 八 殖 智寶 ,終 , 不 種 邪 於 , 法 不 空 生 不 為種 ,不能得無價 佛 復 生 切 , 一位者 能 終 蓮 煩 法 生於 ; 不 華 , 惱 九 · 得 ; 矣!是 起 , , 惱 於 皆 不 生 佛 卑 能 濕 處 我 法 是 故 見 糞 淤 復 佛 為

誠

如

所言

,塵勞之儔為如來種

,我等今者不復堪任發阿

耨

爾

時

,

大

迦葉歎言:「

善

哉

,

善

哉

! 文

殊

師

利

!

快

説

此

結 ŀ. 於 道 永 佛 斷 羅 三藐 心 者 法 不 , 有 能 , 不 於 三菩提心 返 發 斷 復 佛 0 譬 法 三 , 中 寶 而 如 ; 乃 ·無所 ; 聲 根 敗之 正 聞 一使聲 復 無 至 也 益 士 <u>F</u>i. 無間 聞終身聞 0 , , 永 其 所 於 罪 以 不 猶能 者 志 五 佛 何 願 欲 法 不 發 ? 0 能 意 凡 是 , 生於 力 夫 故 復 聞 文 無畏等 利 佛 殊 佛 ; 師 法 法 如 , 是 利 , , 永 能 聲 而 ! 聞 不 凡 今 起 能 無 夫 我

乘 母 妻子 爾 , 時 親 , 戚 會 眷 中 屬 有 菩 , 吏民 薩 , 知 名 識 普 現 , 悉 色身 為 是誰 , 問 ? 維 奴 摩 (婢僮) 語言 僕 象 居 馬 士 車 父

發

無

上

一道意

皆 何 所 在 ? 於 是維 摩詰 以 傷答 日

智 法 喜 度 菩 以 薩 為 妻 母 , , 慈 方 悲心為 便以: 為 女 父 , 善心誠 一切眾 導 實 男 師 , , 畢 無 竟 不 空 由 寂 是 生 舍 0 0

子 恕 塵 勞 , 随意之所 轉 道 品品 善 知 識 , 由 是成 正 覺 0

弟

供 富 總 諸 雖 雖 摧 甘 四 相 象 養 露 襌 馬 持 度 滅 有 解 知 知 具 法 之 之 法 諸 以 於 無 煩 為 七 五 等 之 浴 園 佛 惱 嚴 通 + 起 床 財 食 侶 國 方 滅 賊 座 寶 容 馳 池 苑 , , , , , , , , , , , , 示 眾 定 及 解 從 教 無 勇 大 無 四 與眾 量 授 攝 彼 健 脱 於 好 乘 水 漏 以為 無能 億 故 淨 以 飾 湛 為 味 法 生 為 滋 妓 有 命 其 然 如 林 空 漿 滿 生 踰 生 息 車 樹 來 姿 女 諸 淨 多 覺 歌 而 悉 降 慚 調 布 如 常 佛 現 聞 所 愧 意 詠 伏 心 御 以 之上 修 及己 諸 增 説 以 以 四 七 淨 誦 淨 或 種 澡 智 修 淨 妙 法 行 心 土 華 身 土 魔 浴 慧 服 華 言 , , , , , , , , , , , , 深 教 勝 無 如 戒 以 迴 遊 浴 解 以 品 為 心 於 此 化 有 幡 向 H 此 脱 於 無 建 為 自 為 無 智 為 分 為 八 音 群 不 塗 華 慧 別 道 覺 大 正 垢 音 路 樂 生 想 見 場 香 利 鬘 果 人 0 0 0 0 0 0 0 0 0 0 0 0

若

有

大

戰

陣

,

立之以等

劫

中

,

劫

中

劫

中

有

疾

或

世

有 眾 生 類 , 形 聲 及 威 儀 無 畏 力 菩 薩 , 時 能 盡 現 0

覺 或 知 眾 老 病 爢 死 事 , , 成 而 就 示 諸 隨 群 其 生 行 了 以 知 善 如 方 幻 便 智 化 , , 隨 通 達 意 皆 無 能 有 礙 現 0 0

或 現 示 劫 盡 燒 , 天 地 皆 洞 然 眾 人 有 常 想 , 照 令 知 無 常 0

經 無 書 數 · 禁 億 咒 眾 術 生 , , 工 俱 來 巧諸伎藝 小請菩 薩 盡 現行 時 到 此 其 事 舍 , , 饒 化 益 令 諸 向 群 佛 生 道 0 0

作 間 眾 日 月 道 天 法 , , 梵 悉 王 於 世 中 界 出 家 主 或 大 時 以 作 解 地 人 惑 水 , 或 而 復 不 作 墮 風 邪 見 火 0 0

疫 , 現 作 諸 藥 草 若 有 服 之 者 除 病 消 眾 毒 0

有 有 刀 飢 兵 饉 , 為 現 之起慈 身 作 飲 食 先 救 彼 飢 渴 , 卻 以 法 語 人 0

力 悲 菩 化 彼諸 薩 現 眾 威 勢 生 , 降 令 伏 住 使 無 和 諍 安 地 0 0

0

或 見 其 我 諸 隨 或 或 火 示 須 現 有 心 為 現 中 受 彼之所 有 切 切 作 供 離 憍 貧 邑 生 於 國 恐 或 慢者 懼 窮 中 淫 蓮 事 淫 $\mathcal{F}_{\mathbf{L}}$ 土 土 眾 欲 欲 花 中 須 者 者 主 女 中 , , , , , , , , , , , , 得 為 引 現 為 居 現 或 是 亦 畜 諸 諸 前 復 為 作 作 可 生 有 入於佛道 五 現大力士 現行禪 作僮 而慰安 謂 地獄 無盡 通 商 好 相 色者 希 仙 人 食 僕 導 有 處 噉 人 藏 , 令 以 開 先 消 皆 先 既 在 輒 因 國 魔心 伏諸 以欲 導 善方便 悦 施 以 師 欲 現 往 諸 勸 生 以 到 及 而 可 無 貢高 導 鉤 僓 其 群 大 行 於 於 力 畏 牽 亂 意 之 襌 彼 臣 生 彼 , , , , , , , , , , , 皆能 令住 令發 為 乃 令 後 後 希 不 以 勉 令入 之 住 祐 能 發 有 濟 令發道 給足之 菩 作 無 其 以 戒 利 亦 得 眾 道 忍 提 佛 如 利 苦 上 其 慈 智 是 心 心 道 心 生 便 惱 益

0

0

0

0

0

0

0

0

0

0

誰 假 如 令 一 聞 是道無量 如是法 切佛 , ,所行無有涯 ,不發菩提心 於無數億劫 , 智 除彼不肖人 讚 **喽其功** 慧無邊際 德 , 度脱 , 癡冥無智者 猶尚不能 **加無數眾** 盡 0 0

,

0

【入不二法門品第九】

爾 時,維摩詰謂眾菩薩言:「諸仁者!云何菩薩入不二法

門?各隨所樂説之。」

會 :中有菩薩名法自在,説言:「諸仁者!生滅為二。法 本

不生,今則無滅;得此無生法忍,是為入不二法門。」

無有我,則無我所,是為入不二法門。」 德守菩薩曰:「我、我所為二;因有我故,便有我所,

不 ·可得 不 , 故 眴菩薩曰:「 受、不受為二;若法不受,則不可得,以 無取無捨 ,無作無行,是為入不二法門。」

德 頂菩 薩曰:「 垢、淨為二;見垢實性,則無淨相, 順 於

滅相,是為入不二法門。」

入不二 法門品第九 宿菩薩曰:「是動、是念為二;不動則無念,無念則 無

分別 ,通達此者,是為入不二法門。 _

善眼菩薩曰:「一相、 無相為二;若知一 相即是無相 亦

不 取 無相,入於平等 ,是為入不二法門

妙臂菩薩曰:「菩薩心、聲聞心為二;觀心相空如幻化

者 無菩薩心,無聲聞心,是為入不二法門。」

弗沙菩薩曰:「善、不善為二;若不起善不善

,入無相際

而 通達者 ,是為入不二法門。_

師 子菩薩曰:「罪、福為二;若達罪性 ,則與福 無異 以

剛 慧決了此相,無縛無解者,是為入不二法門。」

金

師 子意菩薩曰:「有漏、無漏為二;若得諸法等,則 不起

漏 ·漏想 ,不著於相 ,亦不住無相 ,是為入不二法門。.

淨 解菩薩曰:「有為、無為為二;若 離一 切 數 , 則心 如虛

空 , 以清淨慧無所礙者,是為入不二法門。」

那

世 間 ,於其中不入、不出、不溢、不散,是為入不二法門。」

羅延菩薩曰:「世間、出世間為二;世間性空,即

是出

死 善意 無縛無解,不生不滅,如是解者,是為入不二法門 菩薩曰:「生死、涅槃為二;若見生死性,則 無生

是無盡 現 相,無盡相即是空,空則無有盡不盡相,如是入者 見菩薩曰:「盡、不盡為二;法若究竟盡、若不盡 是

入不二法門

得 見我實性者,不復起二,是為入不二法門。」 普 守菩薩日:「 我 ` 無我為二;我尚不可得 非 我 何 可

電 天菩薩曰:「明、無明為二;無明實性即是明 明 亦不

是

迴

可 取 離一切數,於其中平等無二者,是為入不二法門。」

性 自空 喜 ; 如 見菩薩日:「色 是受想行識 ` 、識空為二, 色空為二。色即是空,非色滅 識即是空, 非識 滅 空 空 識 色

性自空 ,於其中而通達者 ,是為入不二法門 。 ___

相菩薩曰:「四種異、空種異為二;四

種

性即

是

空種

明

性 如 前際後際空,故中際亦空,若能如是知諸種性者,是為

入不二法門。」

知 癡 意 性 是 妙意 名 ,於法不貪不恚不癡,是名寂滅 寂 菩薩曰:「眼 滅 ; 如 是 耳 聲 、色為二;若 、鼻香 、舌 知 味 眼性 ,安住其中,是為入不 ` 身 於於 觸 ` 意 色不貪不 法 為二 恚 不

無 盡意菩薩 曰:「布施、廻向一切智為二。布施 性即 法

門

智 向 慧 性 切 智 即 性 是 廻向一切智性 • 如是持戒忍辱精進禪定智 ,於其中入一相者 慧、 迴 ,是為入不二法 向一 切 智為二

無 相 解 即 深 脱門者 無作 慧菩薩日:「 ,若空 ,是為 ` 入不二法門 無相 是空、 ` 無作 是 無相、是無作為二 , 則 無心意識 , 於一 ; 空 | 即無 解 脱 門 相 即

寶皆無為相,與虛空等,一切法亦爾,能隨此行者 寂 根菩薩 日 : 一 佛、 法 ` 眾 為二; 佛 即 是法 法 即 是 是 眾 為

入不二法門。」

別 何 ? 見 於其中不驚不懼者,是為入不二法門。 心 無礙 身 實 菩 相 者 薩 , 不 日 : 「 身 起見身及見 、 身 滅 為二 滅 身 0 身 身 即 與滅身 是 身 滅 無二無 所 以 分 者

相 即 善 口 無 ·菩薩曰:「身口意業為二;是三業皆無作相,身 作 相 , 口 .無作 相,即 意 無作相,是三業無作 相 無作 即

空 切 , 空 法 福 無作相 則 田菩薩 無福行、無罪行、無不動行,於此三行而不起者,是 , 能 日:「福行 如是隨無作慧者,是為入不二法門。」 ` 罪 **〔行、不動行為二;三行實性** 即 是

不住二法 華 嚴 菩 則 |薩曰:「從我起二為二;見我實相者,不起二法 無有識 、無所識者 ,是為入不二法門。」

為入不二法門。」

德 藏 **(菩薩日:「有** 所得相為二;若無所得 , 則 無取 捨 無

取捨者,是為入不二法門。」

何 ?如入滅受想定 月上菩薩曰:「闇 , 與明為二; 無闇無明 無闇 切法相亦 無明,則 復 如是 無有二。所 , 於 其 中 以

平等入者,是為入不二法門。」

不 厭 世 寶 間 印手菩薩曰:「樂涅槃、不樂世間為二;若 ,則無有二。所以者何?若有縛,則有 解,若 不 樂 涅 本無縛 槃

是邪是正 珠 頂 ,離此二者 王菩薩 曰:「正道、邪道為二;住正道 ,是為入不二法門。」 者 , 則 不 分 別

其

誰

求解

;無縛

無解

,

則無樂厭,是為入不二法門。」

實 - 所以者何?非肉眼所見,慧眼乃能見,而此慧眼, 樂 實菩薩曰:「實、不實為二;實見者尚不見實 , 無見 何 況 無 非

不見,是為入不二法門。」

示 法 無識 門 ? 如 是諸 ,離諸問答是為入不二法門。」 文 殊 菩薩各各説已,問文 師 利日: 如 我意者 殊 が師利 , 於 一 : 切法 何等 , 無言 是菩薩 [無説 入不 無

於 是文殊師利問維摩詰:「我等各自説已,仁者當説何等

是菩薩入不二法門?」時維摩詰默然無言。

文殊師利歎曰:「善哉,善哉!乃至無有文字語言,是真

入不二法門。」 説是入不二法門品時,於此眾中,五千菩薩,皆入不二法

門,得無生法忍。」

維摩詰所説經 卷下

【香積佛品第十】

維 而 聞 摩 詰 法乎!若欲食者 於 知 是舍利弗心念:「日時 其 意 ,而語言:「佛説 ,且待須臾 欲 ,當令汝得未曾有食 八解 至 ,此諸菩薩當於何食?」 脱,仁者受行,豈雜 欲 食 時

樓 時 氣 四 佛 + 彼 閣 佛 比 名 時 , 與諸菩薩 經 於 恒河沙佛土,有國名眾香,佛號香積 維 行 十方諸佛世界人天之香 唯 摩詰即入三昧 香 有清淨 地 方共坐食 苑 大菩薩眾 園皆 ,以神通力,示諸大眾,上方界 香 ; , 有諸天子皆號香嚴 佛 其 食香 為説 ,最為第一;彼土 法 氣 ; 其 界 一 , 周 流 ,今現在;其國香 + 方 切 無量 一無有 悉 , 一發阿 皆 以 世 聲聞辟 分 耨多 香 界 作 過

藐三菩提心 ,供養彼佛及諸菩薩。此諸大眾莫不目見

又 即 惱 辭 或 會 起 恥 殊 聞 於 此 名 于 師 ? 日 , 其言 會前 氣 樂 眾 而 利 座 時 告之曰:「汝往上方界分,度如 文 威 -力安不 香 小法者得弘大道,亦使如來名聲普聞 維 , 維 居 眾 殊 神 : 摩 ,昇于上方,舉眾皆見其去,到眾香 , 摩喆稽首世尊足下, · 詰問 佛 師 力 維 ? 故 利 號香積 會前,化 摩詰稽首 願 眾菩薩言 日 ,咸皆默 得世尊 : 如 ,與諸菩薩方共坐食 作菩薩,相 佛所言 世尊足下 所食之餘 然 : 0 諸仁者 維 致 , 摩喆言:「 敬 ; 當 勿 , 好光 致敬 無量 輕 ! 誰 四十二恒 未 於 明 無量 學 能 娑婆世 ! 0 , 仁此 致 問 0 汝 威 :訊 彼 · 界 , ! 往 德 問 於 大 界 起 河 佛 禮 殊 訊 到 沙 是 眾 飯 施 居 勝 彼佛 ? 起 時 彼 佛 維 作 , , 蔽 化 土, 居 佛 少 摩 無 , 菩 於 詰 以 足 病 乃 事 如 有 薩 我 眾 少 可 文 不 ,

病 少惱 , 使此 , 樂 氣 小法者得弘大道 力安不 ?願得世尊所食之餘 ,亦使如來名聲普聞 ;欲於娑婆 。 。 世界施 作佛

我名 尼 名 如 方 ? 維 下 世 , 乃 今 界 , 皆 摩 方 彼 并讚 諸 作 詰 現 為 度 遣 在 是 在 大士,見化菩薩,歎未曾有。今此上人從何所 , 住 如 化往 化 此 何許?云何名為樂小法者?即 0 四十二恒河 於五 不 土,令彼菩薩增益 , , 施 德 可 一濁惡 思議 力無畏 作佛事 解脱 世 沙佛土,有世界名娑婆 ,為樂 , , 神 ,為諸菩薩 饒益眾生 :足若 功德 小法眾生 斯!」 0 0 説 以問 法 敷演道 佛言:「 彼菩薩言:「其 , 故 佛 遣化 教 0 佛 甚 佛 ; 號 彼 大 來 告之日 釋 有 來?娑 稱 . 菩 迦 何 切 揚 薩 牟

百萬菩薩俱發聲言:「我欲詣娑婆世界供養釋迦牟尼佛 并

於

是

香

積

如

來

,

以

(眾香:

鉢

盛

滿

香

飯

,

與

化菩

薩

0

時

彼

諸 恥 眾 0 又 生 汝 起 於 惑 著心 彼莫懷輕 ; 又 賤 當 捨 , 而 汝 本 作 礙 形 想 , 勿 0 所 使 以 彼 者何 國 求 菩 ?十方國 薩 者 , 土 而 自 鄙

如

虚

空

;

又

諸

佛

為欲

化諸

樂小法者,

不盡現其清淨土耳

<u>.</u>

世 化 摩 擪 !菩薩 界 詰 詰 力 即 時 以滿 , 於 化 化 菩 作 九百 彼 薩 鉢 香飯 世 既 萬 受鉢飯 界,忽 與 師 維 子之 摩詰 然 , 與 座 不 彼九百萬菩薩俱, 現 ; , 飯 嚴 , 須 香普 好 臾之間 如 前 熏毘耶 , 諸 , 離 菩 至 薩 維 承 城 摩詰 皆 佛 , 及三千大 威 坐 含。 其 神 上 , 時 及 維 時 維

中 有 薩 於 時 甚 是 毘 長 多 耶 者 離 , 諸 主月蓋 婆 師 羅 子 門 座 居 從 , 士 高 八萬 等 廣嚴好 四千人,來 聞 是香 , 皆 氣 大歡 , 身 入 維 喜 意 摩詰 , 快然 禮 眾 舍 菩 , ; 見 歎 薩 其 未 及 室 曾

0

弟 來 子 入維 , 卻 摩詰 住 舍 面 0 諸 地 神 虚 空神及欲 色界諸 天 , 聞 此 香 氣 亦

定 出 此 盡 食 小 飯 「妙香 飯 智 是 0 ` , , 者 飯 智 大 時 摶 , 於 慧 少 維 若 , 稱 悲 , 亦 是 身 、 解 摩 量 , 而 所 須 如眾 鉢 安 詰語舍利弗等諸大聲聞:「仁 彌 熏 如 快 飯悉飽 脱 此 來 , , 香國 樂 解 大眾人人當食?」化菩薩曰:[·無量 無 乃 , 以 至 土諸樹之香 譬 眾 脱 限意食之,使不消 福 知見 如 會 劫 慧 , , ! 切 猶 ,功德具足者, 猶 四 樂 故 海 不能 不儩 莊 有 嚴 盡 竭 國 0 0 , 諸 其 所 此 也 者 !菩薩 諸 飯 ° ___ 以 所食之餘 可 菩 者 無 薩聲聞 食 也 有 何 盡 勿 ! 0 ? 以 異 如 又 ; ,終 使 聲 來甘 諸 天 無 聲 聞 盡 聞 人 毛 切 露 孔 念 小 不 戒 德 食 味 可

爾 時 , 維 摩喆問眾香菩薩:「 香積 如 來 , 以 何 説 法 ? _ 彼

薩 薩 各 日 各 : — 坐 我 香 土 樹 如 下 來 , ·無文字 聞 斯 妙 説 香 , , 但 即 以眾 獲 香令諸 切 德 藏 天 \equiv 人 昧 得 • 入 得 是三 律 行 昧

者,菩薩所有功德皆悉具足。」

惱 言 戒 是 是 行 行 摩 惡 邪 報 是 詰 , 是 是 是 淫 地 言 彼 0 毁 瞋 報 獄 諸 報 是 身 : — 菩薩 戒 惱 殺 邪 , • ; 是畜 此 是妄 報 是 生 行 報 土 , 無義 報 問 一眾生 是 是 是 語 生 維 ; 瞋 語 是 邪 殺 摩 剛 是 恚 是 生 計 見 口 妄 強 : -是 報 邪 餓 , , 難 是 是 無 語 ; 是 行 鬼 今 化 瞋 邪 義 報 , , 世 恚 見報 語 是 是 , 故 不 • 諸 尊 報 П 報 是 與 佛為 釋 取 邪 難 ; ; 兩 0 迦 是 是 是 舌 行 處 , 是不 説 牟 懈 慳 貪 報 , 是 , 悋 剛 尼 怠 嫉 是 • 強之 是 與 愚 , 兩 , , , 意 人 以 是 是 是 舌 取 語 懈 慳 貪 報 邪 生 報 何 怠 悋 以 説 行 處 嫉 ; ; 調 報 報 報 是 是 法 0 , 伏之 邪 是 是 ? ; 惡 意 是 是 身 口 淫 毁 邪 維 瞋 邪 0

是 亂 意 報 ; 是 愚 癡 , 是 愚 癡 報 是 結 戒 是 持 戒 是 犯

意

,

罪 為 戒 ; ; 是 是 是 無 淨 應 為 , 作 ;是世 是垢; , 是 不 間 是 應 有 作 是 漏 ; 涅 是 , 槃 是 障 。以難 無漏;是 礙 是 化之人, 不 邪道 障 礙 ; 心 是 是 如 正 得 猿 道 罪 猴 0 , 故 是 是 有 以 離

毒 乃 乃可 至 徹 入律 骨 , 然 後 調 伏 ; 如 是 剛 強 難 化 眾 生 , 故 以 切 苦

若

干

種

法

,

制

御

其

心

,

乃

可

調

伏

0

譬

如

象

馬

儱

悷

不

調

加

諸

楚

切

薩 或 薩 尼 於 亦 百 佛 諸 能 , 彼 劫行 眾 勞 隱 諸 生 其 菩 謙 大 無量 薩 0 , 悲 所 , 以 一自在 堅 以 聞説是 無 者 量 固 何 之 大 ? 誠 悲 力 已 此 如 , , , 所 皆 乃 生 以貧 言 日 : 「· 是 世界 佛 ; 然 所 土 未 , 有 其 樂 0 曾 法 有 世 十事善 維 也! 度 饒 摩 脱 益 語言 眾 法 眾 如 生 世 生 諸 , 尊 釋 餘 多 此 斯 諸 淨 於 土 迦 彼 菩 菩 牟

而 下 報 於 此 以 難 攝 相 無 世 法 瞋 此 四 所 ; 礙 代 度 恚 界 攝 無 違 世 背 界行 行 八 有 ; 成 ; 於 難 以 無瘡 0 切眾生受諸苦 就 ; 何等 不 諸 眾 精 者 無瘡疣生于淨土。何等為八?饒益 嫉 菩薩視之如 疣 進 生 ; 彼 以 攝 為十?以 ,生于淨土?」維摩詰言:[; 供 大 是 懈 乘法度 怠 為 , 不高 惱 十 ; 佛 以 , 所 布 0 己利 樂 襌 施 ; 所 定 攝 作功德盡 小 彼 未聞 貧窮 攝 菩 乘 , 亂意 者 薩 而 ; 以 於 經 日 ;以諸 其 以施之; ; 以 , : 中 聞 淨 菩薩 善 之 智 調 戒 菩 不 根 慧 攝 伏 眾 薩 其心 等 疑 成 濟 攝 毀禁;以 心眾 生 成 無德 就 愚 • , 而 就八八 幾 不 癡 常 法 與 生 者 省 不 法 説 聲 忍 聞 謙 望 於 常 辱 除

多羅 三藐 維 摩 三菩提心 詰 、 文 殊 師利於大眾中說是法時,百千天人皆發阿耨 ,十千菩薩得無生法忍

過

,

不

訟

彼

短

, 恒

以一心求諸功德;是為八法。」

【菩薩行品第十一】

養 應 處 忽 皆 0 0 然 文 作 是 文殊師利言:「善哉,行矣!今正是時。」 於 廣 金 殊 時 || 博嚴事 是維 色。 , 師 佛 利 뎨 摩詰語文殊師利:「可 説 , 難 , 與 法於菴羅 一切眾會皆作金色?」 白佛言:「世尊!以何 諸 大眾恭敬 樹 園, 圍繞,發意欲 其 地忽然廣博嚴事,一 共見佛,與諸菩薩禮 |因緣 佛告阿 來 , , 故 有此 · 難 : 「 先 瑞 是 為 應 此 維 切 事 供 瑞 摩 是 眾

其 所 諸 菩 到 維 釋梵 薩 摩 已 詰 著 , 四天王等 即 地 即以神 皆 , 稽 避 首 座 力,持諸大眾并師子座 佛 亦 稽 足 皆 首 , 右 避 佛 : 遶七 座 足 , , 稽首 匝 亦 繞 ,一心合 |佛足 七 匝 , 置 , , 在一 一於右 於 掌 , 面立 在 掌 面 立 面 往 於 <u>立</u> 詣 諸 是 大 佛

佛 語 舍 如 」「於汝意云何?」 「世尊!我覩其為不可思議 利 法慰問諸菩薩已,各令復坐,即皆受教。眾坐已定 弗:「汝 見菩薩大士 ,自在 .神力之所為乎?」 「唯 意所 然

,

非

圖 非 度 所測 。 ___

見

位 此 長 香 飯 者 後乃消。又阿難,若 : ? 此 然 消 維 「我等毛孔亦出是香。」阿難言:「此所從來?」 爾 ° 摩詰 後乃消 佛告阿難:「是彼菩薩毛孔之香。」於是舍利弗語 時 阿 阿 難 曰:「此飯久如當消?」曰:「此飯勢力至于七 ·難白佛言:「世尊!今所聞香,自昔未有,是 ,從眾香國 問維摩詰:「是香氣住當久如?」 ;已入正位,食此飯者 , 聲聞人,未入正位,食 取佛餘飯,於舍食者 ,得心解脱 此飯者,得 維摩詰言:「 , 一切 ,然後 毛孔 日 : 一 乃 消 百 皆 回 為 入 正 香 是 難 何 至

言 若 有 幻 佛 作 以 而 是 消 後 無 以 事 佛 乃 生 佛 作 未 : , 音 發 影 事 衣 佛 如 消 忍 此 未 是 有 聲 服 事 大 飯 , 0 曾 臥 譬 然 響 有 乘 以 ; ! ` 如 語言 有 虚 意 以 具 後 有 阿 是 如 ` 也 空 = 有 鏡 以 難 乃 而 , , + ! 藥 消 中 而 作 佛 ! 食 滅 世 文 此 像 作 佛 所 或 , ; 除 名 尊 字 飯 佛 相 有 已 事 化 ` 佛 而 事 得 者 水 人 ! 日 ; 切 上 作 如 中 八 有 土 無 ; 而 , 諸 眾 佛 十 以 此 味 生 月 作 至 , 煩 發意 事 隨 飯 香 忍 生 佛 以 , ` 惱 食 其 熱 應 形 佛 飯 事 , 毒 食 光 有 時 或 以 好 而 , 乃 ; 有 有 能 消 此 燄 而 作 明 服 此 然後 清 緣 作 佛 者 飯 以 而 作 ; , 得 事 菩 作 者 已 淨 佛 佛 , 如 乃 身 是 入 提 佛 發 佛 事 事 ; , 消 諸 等 律 有 意 土 ; 樹 事 至 0 毒 有 , 喻 行 以 ; 食 而 寂 生 粛 有 此 而 以 作 佛 滅 ; 阿 寞 有 佛 林 以 飯 , 作 佛 言 補 無言 臺 諸 然 佛 難 者 以 身 事 處 後 觀 菩 夢 白 事 而 ; , 有 然 作 薩 如 佛 乃 而

佛 而 化 不 切 惱 進 無 眾 虚 貪 生 諸 門 止 空 清 生 不 佛 , , 無 諸 故 淨 高 法 而 若 門 諸 所 心 • , 若 眾 干 而 施 , 0 也 現 歡 見 菩 生 為 為 喜 佛 薩 ; __ , 如 切 之 恭 土 入 無 疲 是 敬 非 不 不 此 見 同 勞 門 佛 , 淨 , 諸 佛 未 者 事 0 佛 曾 土 諸 阿 , 0 , 色 難 有 若 佛 阿 身 也 難 ! 不 見 即 有 以 汝 以 ! 0 若 見 諸 為 此 有 切 干 諸 佛 淨 法 此 憂 耳 佛 好 如 而 , 四 國 佛 作 來 不 爢 , 其 佛 土 功 礙 土 , 德 無 事 八 , 不 , 平 礙 沒 地 不 萬 , 慧 有 等 是 • 以 四 無若 若 但 為 名 千 , 為 於 諸 干 喜 入 諸 干 教 煩 ,

成 所 就 畏 眾 不 回 生 共 難 、 之 法 ! , 淨 諸 , 佛 佛 大 色 或 土 慈 身 大 威 , 具 悲 相 諸 種 , 佛 威 性 法 儀 , 所 戒 , 悉 定 行 皆 智 , 及 慧 同 等 其 解 壽 脱 ; 是 命 解 故 脱 , 説 名 知 為 法 見 三藐 教 化 力 無 ,

也

0

不 如 阿 義 佛 是 難 可 陀 , 思 汝 多 , , 議 聞 以 阿 名 劫壽 第一,得念總持 難 0 為 ! 多 諸 , 不 陀 佛 阿 阿耨多羅 能盡受 伽 度 , ,此諸 ;正使三千大千世 名 三藐三菩提 為 佛 人等,以 陀 阿 , 難 無有 劫之壽 ! 一界滿 若 限量 我 , 亦 中 廣 眾 , 不能 説 智 生 急辯 此 , 皆 \equiv 受 才 旬 如 0

謂 聞 尚 難 阿 菩薩 辟 難 ! 可 支 汝 : 阿 測 (佛於 「勿 等 。 且 量 難 捨 白 , 百千 起 |佛言 止,阿 置菩薩 菩薩 退意 劫 \vdots 禪 所行 ,盡力變化所 0 難 定智慧總持辯才 ! 所 我從今已往 以者 其有智者不應限度諸菩薩 ;是維 何 ? 摩 不能作 洁 計 我 , 不 説 時 汝 敢自謂 於 所現神通 切 聲 功德不可 聞 以 為 中 之力 也;一 為 多 最 聞 量 , 多 0 也 切 聞 海 佛 切 0 淵 非 告 阿

眾香世界菩薩來者 ,合掌白佛言:[世 尊 ! 我 等 初

爾

時

便 見 此 , 土 不 ,生下劣想;今自悔責 可 思議 ; 為 度眾生故 , , 捨 隨 其 離 所 是心 應 , 0 現 所 佛 以 或 者 異 何 ? 諸 0 唯 然 佛 方 世

尊 ! 願 賜 少法 ,還於彼土, 當念如 來 0

盡 ? 謂 佛 有 告 為法 諸 菩 0 薩 何 謂 無盡 有 盡 ?謂無為法 無 盡 解 脱 法 。如菩薩者,不盡有 門 , 汝 等 當 學 0 何 為 謂 為

不

住

無

為

向 正 而 榮辱 法 不 於 求 忽 何 遠 忘 謂 , 心 法 不 離 不 不 惜 ; ·盡有 教 樂 懈 無憂喜 軀 化眾 , 説 , 命 為? 不 以 ; 不 生 法 種 ,終不 謂 為 無 諸善根 輕未 貴 悋 不 ; 不 離 , 勤 大慈 學 厭 , 無 著己 ,敬 倦 供諸佛,故 ; , 有 樂 不 學 於 疲 如 四 捨 , 厭 慶 攝 佛 大 。 志 入生 於 悲 法 ; 彼 墮 ; , 常安住 常念 樂 深 煩 死 惱 發一 而 0 在 者 順 無 諸 , 方 所 行 切 , 令 發 智心 禪 畏 護 定 便 於 持 迴

意 想 乘 道 不 不 摧 劍 飾 所 如 教 佛 忘 壞 之 伏 有 地 ; , , 0 音音 受 道 生 事 威 魔 破 獄 , , 成 品 儀 具 聲 天 善 軍 煩 死 想 , 、菩薩 之法 惱 成 人 無 ; ; 別 ; , 身 福 常 數 己 切 於 賊 諸 而 , 僧 П 能 求 劫 佛 智 生 ; 根 為 意 ; 心 修 出 隨 無 土 想 死 , 眷 俗 意 念 陰 善 四 ; 中 ; 斷 無 無 界 行 見 屬 實 而 眾生 0 , 放 量 得 起 無 想 毀 相 有 入 如 逸 佛 神 智 限 勇 戒 粛 , 0 , 疑 威 開 慧 施 發 通 荷 ; 人 觀 ;以樂説 慧 不 儀 梵 聞 想 負 行 0 , , ·失眾 行 眾 天 , 引 佛 具 善 起 ; 道 無量 深 於 足 根 救 見 生 善 修 導 少 相 來 ; , 護 , 辯 眾 勸 善 欲 永 德 好 無 想 求 0 , 演 行 請 生; 法 使 有 者 知 ; ; , 如 説 足 解 志 除 齊 諸 , , 説 得 為 所 限 此 法 脱 而 波 , 無 法 念 善 行 不 切 ; 羅 , 而 0 礙 隨 總 倦 惡 以 轉 不 以 蜜 師 , 諸 是 喜 持 捨 大 勝 0 想 0 , , 淨 精 為 名 讚 淨 淨 以 世 , 所 國 智 捨 以 善 身 法 進 父 薩 善 聞 慧 嚴 大 母 口 , ,

不盡有為。

常 是名菩薩 人 而 漏 所 不 無 不 歸 倦 作 , 捨 而 無 ; 而 何 , , 不斷諸 主 大悲; 觀 不 謂 不 而 於寂滅 不住無為 無相 菩薩 厭 以 歸 善 無 趣善 漏 本 相 觀 不 , 本 無作 , 而 ; 觀 住 法 正 觀 願未滿 ; 觀 無為? 法位, 無所行,而 不永寂。 為 世 間 證 於 苦 ;修學無起 ,而不虛福德禪定智 謂修學空,不以空為證 而 無生,而以生法荷負 滅 , 不隨 而 0 以行法教化眾 觀 不 小 惡 於遠離 乘 生 ,不以無起 ; 觀 死 , ; 諸 觀 而 法 生 慧 身心修 於 虚 為 0 無 0 · 觀 切 ; 妄 ; 修 證 我 修 善 於 如 , 0 , 觀 無 學 此 空 觀 ; 而 牢 觀 於 無 誨 於 無 法 無 無 無 相 無 ,

故 不 又 住 具 無為 福 德 ; 滿 故, 本願故 不 住 無 ,不盡有為 為;具 智 ·慧故 0 集 , 法藥故 不 盡 有 , 為 不 住 0 無 大 為 慈 悲

不 隨 授藥 盡 有 為 故 0 , 諸正 不盡· 有為 士!菩薩 0 知 眾 以修 生病故 此法 , , 不 不 盡有為 住無為 , ; 不 滅眾生 住 無為 病 故 是

名盡無盡解脱法門,汝等當學。」

種 善行方便。言已,忽然不現,還到彼國 并諸菩薩 色 , 若 爾 時 已 干 ·種香 彼諸菩薩 , 稽首佛足 , 散遍三千大千世界 聞説是法,皆大 , 歎 未曾有 ;言釋迦牟尼 , 供 歡喜, 養於 佛 以眾妙華 佛 , 及 ,乃能於此 此 經 若 法

阿閦佛品第十二】

見

穢 不 知 觀 相 六入無 不 於 觀 來 ? ; , , 非 受 不 寂 , 具 爾 後際 足三 積 想行識 維 可 滅 無 時 在 , 亦 相 , 眼 摩詰言 以 方 , 不去 識 明 世 , 非 , 不 耳 不永滅;不此不彼;不以此,不以 尊 不 識 取 鼻舌身心已過。不在三界 ,今則不住。不 : 與 問維 離 。無晦 觀識 相 ; 不 方 無明等。不一相,不異 如 摩詰:「汝欲見如 ; 自 如 非 無 ·此岸 觀 , 不 有 明;無名無相 身 為 實 ,不彼岸,不中 觀識性 , 觀 相 非 色, , 無 觀 0 為 非 不觀 佛 來 • ; 亦 , <u>=</u> 四 , 為 無強 無示 相 色 大 然 ; 不 一垢已 流 起 如 0 以何 無 無 彼 我 , , , · 自相 説 弱 離 同 不 ; 而 觀 等 ; 化 0 不 於虛空 觀 如 ; 非 觀 眾 順 不 可 , 色 來 施 =性 前 淨 不 如 以 生 不 非 智 他 脱 際 來 ;

言 無 慳 法 小 相 不 不 説 畏 為 無 福 誠 ; 正 無 分 非 不 分 不 田 同 觀 別顯示 欺 見 戒 別 真 ; 憂 非 ; 若 ; 不 非 不 , 際 0 無喜 聞 犯 應 , 他觀者,名為邪觀 ; 不 。世尊 切 來不去;不出不入;一切言語 供養 等 , 非 無 無 法 得 覺 忍不 厭 性 ,非不應供養;非 ! 如 無 非 ; 無 , 不 恚 ;不 失 知 來身為若此,作 已 • ;離眾結 ·可稱 有 無 濁 進不怠;不 , , 不可 無惱 無當 縳 有 ; , 量 取非捨;非 等 無 , , 定不 如 無 作 諸 過 是觀! 道 今 無 智 諸 有 亂 起 , 斷 稱 同 ; ; 0 ; 量 有 眾 以 不 非 不 無 斯觀 0 相 生 生 福 智 可 非 以 無 , 田 不 於 非 者 一切 大 滅 愚 非 非 無

詰 法 言 無沒生相 爾 汝 時 , 所得法有沒生乎?」 舍 利 ,云何問言:『汝 弗 問 維 摩詰 : 舍 汝 於何沒,而 利弗言 於 何 沒 : , 來生此』!於意云 而 無沒生也。」 來生此 ? 維 摩

不 者 如 也 何 為 幻 ? 虚 善本;雖生不長諸惡。」 相 汝 誑 者 豈 如 法 , 云 不 幻師, 幻 聞 , 敗壞之相 何 佛 問 説 言 諸 作男女,寧沒生耶 二:『汝 法 ; 生 如幻 者 於何沒 相 為虛誑 乎 <u>.</u> , 而 答日:「 法 ? 來生 , 相續 舍 此 利弗言:「 之相 如 ! 是!若 舍 0 菩薩 利 無沒 弗 切 雖 ! 沒 沒 法

照 化 無 乃 於 能 眾 眾 云 彼 , 為 生 捨清 冥 何 或 是 之除 時 沒 ? ,不與愚闇而共合也;但滅眾生煩惱闇耳!_ 淨 日 , , 維 .冥。」維摩詰言:「菩薩如是,雖生不淨佛土,為 而 土 佛告舍利弗:「有國名妙喜,佛號無動; 光 摩詰言:「夫日何故行閻浮提?」答曰:「欲 出 , 而 來 生 時 來 此 與冥合乎?」答曰:「不也 樂 。」舍利 此 多 怒害處 弗言:「未曾 。 — 維 摩詰語舍利 有 也!! 。 日光 世 是維 尊 出 弗 ! 時 以 摩詰 是 於 人 明 則

眾 現 妙 0 喜 佛 是 國 知 時 無 大 動 眾 切 如 眾 渴 來 會 仰 ,及諸菩薩聲聞之眾;眾皆欲見。」 所 念 欲 見 , 妙喜 告 維 世 摩喆言 界 無 動 : 如 「善男子! 來 , 及 其 為 (菩薩 此眾 聲 聞 會 之

等 取 受 浮 來 溪 宮 經 提 谷 成 , , 江 就 法 至 及 於 入 如 , 忉利 菩 并 是 如 ; 河 於三昧 陶 是 閻 提 諸 維 家 , 語薩 無量 浮 大 天 樹 摩詰心念:「 輪 提 海 , , , , 以 諸 聲 泉 功 人 現 入 德 此 聞 源 妙 , 神 此 亦 寶 蓮 之 , , 世 通 眾 登 階 華 須 力 界 吾當不起於座 至 其 彌 , , , , , 諸 阿 階 能 城 諸 以 猶 於 邑 Щ 迦 天 , 其右手斷 持 十方 聚 尼 上 來 , 華 落 吒 昇 下 及 鬘 天 忉 作 H , , , 悉 , 接 利 佛 男 月 , 示 取 下 為 星 事 女 , 妙喜 妙喜 禮 至 見 者 大 宿 切 彼 敬 小 水 0 , 世 眾 際 諸 無 天 或 界 龍 動 乃 道 , ; 天 0 鐵 如 寶 鬼 以 0 至 置 作 階 右 妙 來 無 神 韋 於 是 喜 從 動 梵 Щ 手 此 念 聽 斷 閻 世 如 天 |||

二

詰 尊 神 ! 雖 誰 力 彼 入此土,而不增減;於是世界亦不迫隘 所 得 取 作 我 神 通菩 去 。 ___ ? 願 其 薩 餘 見救 及 未 聲 得 護 聞 神 眾 0 通 , 者 無 并 餘 動 ,不覺不知己之所 佛言 天 人 :「非我 , 俱 發聲言 , 如 所 本無異 為 往 0 , 妙 是 唯 喜 維 然 摩 世 世

之道 復 見 如 本處 當 藐 0 來 生 爾 0 , 一彼國 佛言 菩提心, 時 , 其 舉眾皆見 現 國 , :「若 此 釋 。」時妙喜世界於此國土所應饒益,其 嚴 妙喜 飾 迦牟尼佛告諸大眾: 「汝等且觀 皆 , 菩薩欲得 國 菩 願生於妙喜佛土。釋 時 薩 ,娑婆世界十 行 淨 如 , 弟 子 是清 淨 清 佛 四 白 土 那 迦牟 , 由 當 他 尼 學 皆 人 佛即 妙喜世界 無 日 , (事訖已, : — 動 發 記 如 阿 之日 唯 來 耨 然 無 所 多 還 羅 行 動 已

是受阿耨多羅三藐三菩提記 念 法 解 生 維 見 寶 摩 , 0 , , 若 當 若 其 受 之 詰 世 佛 能 有 持 今 知 藏 尊 告 0 信 其 供 讀 現 ! 舍 世 ; 解 室 養 誦 在 願 利 若 尊 即 解説 此 如 使 , 弗 有 ! 有 是 若佛滅 經 : 讀 我 如 人者 切眾生得清 , 誦 等快得善利,得 汝見 乃 來 如法修行 解 至 後 ; , 釋其義 若 當 此 , 0 妙喜 四 聞 聞 知 則 ! 此 旬 是經能隨喜者 淨 , ·若有 經者 偈 為 土 世 如 供 界及 , 見是人親近 説 養於 手 為 如 ,亦得善 修行 無動 得是經 他說者 無 佛 動 佛; , , ; 佛 即 斯 其 典 利 , 不 供養 當 知 為 有 獲 人 者 ; ·? 諸 則 書 況 神 , 佛 此 為 便 復 0 持 通 之 其 諸 唯 為 聞 人 趣 此 力 所 然 經 已 已 切 卷 護 得 眾 如 即 已

佛

言

I:「善

哉

,

善

哉

!天帝!

如汝所説

吾

助

爾

喜

此

經

法供養品第十三】

安處道 生 經 者 之 經 文 信 門 處 者 典 殊 我 師 ;其已信者 0 , , 爾 , 我 當 場 常 必 利 如 時 我 亦 與 得是法不疑 聞 為諸佛之所護 , , 與諸 履踐 百 千 諸 解 釋 佛 眷 提 所説 眷 如 桓 ,當為作護。」 屬 經 供養 屬 來 因 所行之 義 , , 何 未 , 於 聽 給 趣 念 曾 受 事 況 , 若 聞 大眾中 , 法 跡 降 如説修行 此 ; 故 伏 所 有眾生聞 不 0 世尊 外學 在 可 白 , 聚落 思議 共 一佛言 ! 斯 到 ! , 其 城 若 摧 是 : , 所 邑 有 人即 自 滅 經 受持讀 世尊 在 0 魔 法 ` 怨 為 , 信 神 其 Щ 閉眾 未信者 林 通 ! , 誦 解 我 曠 修治菩 , 惡趣開諸 受 決定 雖 野 如説修行 (持讀) 從 當 有 提 實 佛 令 是 誦 相 及

來今佛 天帝 廣 説 過 !若善男子 去 未 來現在諸 ,善女人,受持讀誦供養是經者 佛,不 可 思議阿耨多羅三藐三菩提 , 即 為 供 0 養 是 故

珞 七 重 稻 寶 麻叢 , 幢 塔 讚 天帝 幡伎樂,微 縱 歎供養 林;若有善 **!正使三千大千世界,** 廣一 , 奉諸所 四天下, 妙第一,若一劫,若 男子,善女人,或一劫 安 高 ,至諸佛滅後 至 一梵天 如 ,表 來滿中,譬如甘蔗竹葦 減一劫 刹 ,以一一全 莊嚴 ,或減一 ,而供養之。 ;以一切 身舍 劫,恭 華 利 香 敬 天 瓔 起 尊

!於意云何?其 人植福 ,寧為多不?」

釋 提 桓因言:「多矣 ,世尊!彼之福德 , 若 以 百 千億 劫

説不能盡。」

佛 告天帝:「當知是善男子,善女人,聞 是 不可 思議 解 脱

安

0

典 , 皆 從 信 此 解 生;菩提之相,不 受持,讀 誦修行 , 可 限量 福 多 於 , 以 彼 是因緣福不可量 。所 以 者 何?諸 佛菩

子 是 小 夫 來 時 劫 端 天 佛 有 ; 應 其聲 人師 供 告 正 轉 勇健 天帝 ` 輪 、佛 正 聞僧,三十六億那由他;菩薩 聖 遍 : ,能伏怨敵 王 ` 知 , 名 日 過 世尊 ` 去 明 無量 "世 行 [寶蓋 0 足 阳 界名大莊 ` ; 七 . 僧 善 祇 逝 寶 劫 ` 具足 , 嚴 世 時 , 劫 間 , 王 世有 僧有十二 解 日 ` 四天 佛 無上 莊 , 號 嚴,佛壽二十 下 億 士 0 日藥 0 ` 王 天 調 有 帝 御 王 如 ! 丈

佛 五 劫 0 ; 爾 過 於是千子受父王命,供養藥王如來 時 五 , 劫 寶 已 蓋 ,告其千子:『汝等亦當如 與 其 眷 屬 , 供 養 藥 王 如 來 ,復滿五 我 施 , 以 諸 所 劫,一 深心供 安 , 切 養 至 施 於 滿

其 王 子 名 日 月 蓋 , 獨 坐 思 惟 \neg 寧 有 供養 殊 過 此

者?』

佛 當 何 養 廣 名為法之供養 足 0 為 以 , 卻 即 汝説法之供養 佛 問 住 神 : 力 面 , 空 何謂法之供養?』 ? , <u>_</u> 白佛言 中有 0 <u>_</u> 天日:『 即 : 7 時月蓋王子 世尊 天日: 善 ! 諸 男子!法之供養 供養 , 行 詣 -汝可 中 藥王 往問藥王 , 法 供 如 養 來 勝 勝 如 稽 諸 來 首 供

緣 順 法 信 菩 藏 難 法 提 受 所 佛 法 言 攝 , 無 微妙難見 , 眾 :『善男子!法供養 我 , 陀 羅 經之上 無人、 尼印 清 。 入 印 無眾生、無壽命 之 ; 淨 大慈 無 至 染 者 悲 不 , 非 , 諸 退 , 離 轉 但 眾 一分別 佛所説 , 成 , 空、 魔 思惟 事 就 深經 六 , 無 度 之所能 及 相 ° 諸 , 善 邪 無作 切世 見 分 得 別 菩 間 義 順 薩 難 無 大

故 入 依 報 大 明 經 稱 救 行 共 起 緣 無 歎 之 歎 T , , , 道 義 守 信 譽 能 老 違 切 無 , ; 背 離 護 毁 令 死 經 無 解 ; 所 , 眾 亦 諍 諸 法 生 禁 依 能 受 歸 • 不 死苦 眾 令眾 畢 邪 故 於 生 持 , 0 諸 竟 依 離 見 生 坐 · 讀 , 無 法 滅 諸 是名法之供 生 不 於 , 示 , 明 , 誦 得 諸 實 了義經 我 入 道 畢竟滅 ,以方便力,為諸眾生分別 無生 作 相 佛 所 涅槃樂 魔 場 之 外 法 如是觀 0 , ; 依 依 忍 道 義 藏 而 故 ; 養 及 , 轉 於 ,十方三 , 諸 決 貪 於 義 明 法 0 攝 , 十二 因緣 法 定 著 宣 諸 又於諸 輪 , 行 無常 者 賢 不 無 , , 亦畢竟 一世諸 不 我 依 能 聖 諸 無有 苦空 依 語 法 使 ___ 天 佛所 人。 如 怖 切 龍 , 滅 説 眾 無 依 智 畏 無 神 ; 乃 有 隨 説 慧 於 生 修 我 , , 解 盡 智 行 諸 寂 乾 順 , 0 , 至 説 相 法 若 説 闥 佛 滅 而 , , Ž 生 眾 相 於 隨 聞 賢 婆 , 不 , 畢 顯 菩 等 法 不 依 因 聖 順 如 示 竟 復 無 識 緣 十 是 薩 所 分 等 能 起 滅 所 果 共 所 所

見,是名最上法之供養。』」

陀 法 力 以 後 降 後 忍 羅 信 魔 生天上。天帝!時王寶蓋 , , , , , , 守護 滿 尼 立 怨 即 勤 出 我 佛 告天 不 十 , 家 當 解寶衣嚴身之具,以供養 行 , 法 修 退 小 無斷辯才;於佛滅後,以其所得神通 行 精 , 苦薩 劫 城 轉 修 帝:「王子月蓋 法 進 供養 ; 集善 , , 』 天 帝 + 藥 行 即 王如來所轉法輪隨而 四 於 0 , 守 法;精進不久,得 那 此 .!.時 由 佛 身 護正法;願 他 知 , 化 ,豈異人乎!今現得 人,深發聲聞辟支 王子月蓋 其深心所念,而記之曰: , 從 百萬億人於 佛。白佛言:『 藥 王 以威神加哀 ,見法清 佛 <u>H</u>. 分布。 , 神 聞 뎨 通 如 耨 , 具 佛 月蓋比丘 淨 ` (建立 多羅 世尊 是 /佛 心 總持、辯才之 , 菩 法 聞 薩 號 無量 佛 , 令 ! , -藐 寶燄. 得 道 授 汝 如 以守護 \equiv 於 我 眾 , 得 來 柔 記 如 菩 末 得 滅 順 生

來 ,其王千子,即賢劫中千佛是也;從迦羅鳩孫馱為始得佛

最後如來號日樓至,月蓋比丘即我身是。

第 無比 如 是 。是故天帝!當以法之供養,供養於佛 ,天帝!當知此要,以法供養 ,於諸供養為上為最

【囑累品第十四】

薩 等 無 如 心 羅 所 後 劫 染 實 有 刹 末 以 經 能 當 等 者 世 無著甚 所 於 , 之 相 集 以 是 入 何 則 , 頂受 中 發 阿 失 ? , 0 0 一深經 若 何 耨 佛 未 善 阿 , 謂 多羅 好 來 汝 告 , 隨 耨 利。 為二 等 雜 多 世 典 彌勒菩薩言:「 諸眾 羅三藐三菩 中 當 旬 三藐三 如 無 文 ? 以 , 此輩 當 有 飾 神 生所應得利 菩 者 恐 事 有 力 人,聞是等經 提法 善 畏 者 好 , 提心 廣宣 於 男子 , , 付囑 彌 能 雜 當 善善 流 勒 入 旬 , 而 ,樂於 知 八 其 中 ! 是 文 女 布 於 飾 我 為 為 人 於 汝 之 廣 ,必多 大法 閻 今 新 0 , 以是 學 説 聞 事 及 浮 如 菩 是 提 已心淨 0 0 ; 天 信 薩 彌 若 龍 輩 無 , 樂 者 勒 鬼 無令 經 量 使 若 當 億 神 , 不 不 , 發 聞 阿 受 於 畏 乾 斷 於 知 持 希 深 如 如 闥 絕 佛 僧 菩 有 是 滅 祇 是 婆

法 不 或 所 怖 誦 薩 能 時 生 來 , , 猶 於 不 於 ? 疑 如 , 而 自 中 説 能 深 , 修行 不 毀 説 不 決 法 教誨 一者若 定於 其 傷 能 中 過 隨 , , 當 甚 有 ;二者雖解深法 而 惡 順 調 。 有 護 深 知 不能得無生法 , 伏其心。 毀謗 持 法 是為久修道 此二 解 0 何 説 不 法 等 ·信 如 彌 是深 , 當 為二? , 勒!復有二法 ,而取相分別 忍 行 而 經者 0 知是新 0 作 何等為二?一 是言 一者 彌 勒 , 學菩 不 所 ! : · 肯 未 復 -, , 菩 有二 薩 我 聞 親 是為二法 近 初 深 , 者 薩 為 供 不 經 法 雖 自 聞 輕 養 , , 信 毁 聞 慢 恭 名 , 新 解 從 之 傷 敬 新 學 驚 深 何 學

説 手 得 , 藐 如 我 是 二菩 當 等 遠 提 經 離 法 如 , 與 ; 若 斯之惡 其 念 未 力 來 , 世 奉 , 使 , 善 持 受持讀 如 男子 來 無 善 誦 數 女 阿 , 為 僧 人 他 , 祇 廣 求 劫 説 大 , 所 乘 0 者 集 世 尊 阿 , 當 耨 ! 多 令

彌

勒

菩

薩

聞

説

是已

,

白

佛言

: 一世

尊

!

未

曾

有

也

!

如

佛

所

Ù 後 末世,] 佛言:[善哉 有能受持讀誦 ,善哉!彌勒!如汝所説, ,為他說者 ,當知皆是彌勒神力之所建 佛 助 爾 喜

0

土 廣宣流 於是一切菩薩,合掌白佛:「我等亦於如來滅後,十方國 布阿耨多羅三藐三菩提法 ,復當開導諸説法者 令

爾 時 , 四天王白佛言:「世尊! 在在處處

,

城邑

| 聚落

, 山

得是經

往 林 詣其所 曠 野 , 有是經卷 ,擁護其人,面百由旬,令無伺求得其便者。」 ,讀 誦解説者;我當率諸 官屬 , 為 聽法 故

唯 ! 是 我 時 已受持要者 佛告阿難:「受持是經 0 世尊!當何名斯經?」 ,廣宣流布。」 佛言:「 阿 뎨 難 言 難 !

佛 說是經已,長者維摩詰、文殊師利、舍利弗、阿難等

,亦名不可思議解脱法

門


如是受持

是經

名為維

摩詰所説

奉行。





本會接受委託『代印經書』相關事項請電洽



圖維摩詰所說經

[2023年新標點版] 鳩摩羅什大師 譯



- ❖倡印者/邱肇民、徐绣芳、邱莊濬 蔡宜君、邱柔熹、邱迺淳
- ❖出版校對設計/高雄淨宗學會 出版組
- ❖贈送處/高雄市鹽埕區七賢三路236號
- ❖電話/(07)521-9988
- ❖郵 撥/41635731
- ❖户名/高雄市淨宗學會
- ❖網址/www.khamtb.com
- ◆淨空法師專集網址/www.amtb.org.tw www.chinkung.org
- ❖印製/白石文化出版社(07)553-0299

中國佛曆3050年 公元2023年

10月印贈1000本



www.khamtb.com 高雄淨宗學會網







masterhnz.com 「黄念祖居士法音宜 流網」網站已正式開 通,請大家多多上去 閱覧,並請廣傳這個 連結給朋友。

【全球通用】 masterhnz.org